



盤洲文集卷第三十六

表十六首

代張提舉謝立祖廟表 額曰旌忠

真王念功必賜鼎銘之美大門狗節遂膺廟食之褒風動
通遐感均存沒中謝伏以遼東奉祭彤之祭匪出九重章
武立田氏之碑但循甲令躋聖世旌忠之典酌禮家勤事
之文國有條章人知砥礪伏念臣先祖具官臣某蚤因文
翰服在周行嘗荷橐于宣和總剖符于南鄧邗邊烽舉分
四道以勤王赤縣颯回無寸兵之傳堞身獨嬰於白刃血
屢染于左輪會廷臣請存趙而不諧故敵國俾秣燕而遠



去邊傳長畢不見中興藏黃石于異鄉已多丘木嗣蓼莪
之宗器未寔沁毛方諸父之拜章自上天而降札建其闕
宇錫以嘉名尸忘羸羊之還石有麀牲之啟仰瞻奕之
作遂假言之靈三祿寧侔九京有曜結草豈殊于今日
傾葵相誓于私庭此蓋伏遇
皇帝陛下濟業艱難納民仁壽坐格明良之遇每先忠義
之思思過禁樵激下梯而散謝數興茂栢欲裴遂之更生
有大烝之詔具存非諸布之名不顯傳之千載光此一門
臣內省材駕仰慚祖武偶備負于使指得貢嘯於宸嚴子
孫不忘已篤傳家之振籙豈有楚長堅許國之誠

代陳饒州謝到任表

引疾去朝甫遂漳濱之卧冒恩典郡復成番水之行班錄
云初凌兢曷措中謝伏念臣畧無他技久在常流當桂管
之名君還以藟言而入對溫顏曲獎朽質殊榮俟罪長沙未
奉三年之計牧民南海已成百舍之裝會神聖之更張雜
智愚而並用昇輔郡股肱之寄易計臺耳目之除脫彼瘴
烟近于天日而臣浸嬰犬馬之慈疾闕趨鸛鷺之行本草石
之寒溫但知救死問錢穀之出入積致瘵官不勝撻疾之
憂游瀝負薪之懇拜鴻私之役欲進華閣以就開方視蔭
于窮居忽承流于舊服官曹不改初無勿翦之棠筋力既

或是大馬之
鑿

德非復能鳴之雁政茲求瘼難以養痾茲蓋伏遇
皇帝陛下奮發乾剛財成泰道勵精理國每未明而求衣
軫慮字人故嘗夜不安枕乃如孱瑣亦玷選掄臣敢不整
頓前規鞭驅絲力僮子歌宣布之頌可謂逢時庶民無愁
歎之心尚期校考

代魏吉州謝上表

冒思起廢敢辭蜀道之難改命承流頓覺長安之近厥初
班錄采切戰兢中謝伏念臣學不通方器非適用自離郡
于棘寺久遠迹于楓宸盡戰兩川效茂聞于愷悌繡衣三
組志尤忠于澄清偶刊訓解魯論之書中有感數周公之

語言者謂其訟上理官坐以投荒窺白澤之圖屢逢魑魅
染黃毛^茅之瘴幸免膏盲遇聖政之解絃致流人之出籍方
作捫參之計又叨易地之除惟廬陵之古城乃江西之劇
郡潢池賣劍偶逢剽劫之稀白絮連樯咸惧轉輸之闕顧
惟謫薄恐誤使令茲蓋伏遇

皇帝陛下發政瞻前澤人重外欲庶民之安田里如彼漢
宣故丙夜之思姓名不殊唐帝豈容駕乘亦玷獻符臣敢
不思補一毫恪遵三尺盡心聽訟庶移珥筆之風竭力運
糧會有積倉之日

代辰州守謝到任表

拜散人江湖之號方遂歸耕分刺史菟魚之符誤膺出守
導瓜時而就道差穀旦以臨中謝伏念臣資不逮中况惟
每下未足三冬之學偶聯千佛之名既備數于薦紳遂服
勞于簿領幸清明之盛際難巧拙以收魚猥以駕材廁于駕
級可以折獄歷廷尉之三官何自為郎點司刑于六屬昨
緣盈滿旋即退休一去日幾三移星曆上棟下宇獲安故
里之居右粥左餐仍窈叢祠之祿豈云出綽乃得把麾惟
盧溪之偏城本黔中之古郡丹砂化藥有地產之延年青
箬叢鹽無洞丁之奸命使之作鎮宜擇惟良恭惟
皇帝陛下化尚中和治貴清靜用真儒而無敵不復談兵

以佚道而使民率皆樂業監令菟瑣亦職藩宣臣敢不內
竭技能仰酬器使法西都之循吏庶凝兵理之功訪酉陽
之逸書少補石文之治

代福州守謝到任表

三載典城方軫黜幽之惧七條易地采深聞命之驚甫見
兵民已頌詔令中謝伏念臣空、能薄汎、品卑早瞻咫尺之威屢懷方寸之印自飛笏于五筦斯視蔭以八年就
戍西偏偶洞蚤守條而累化從官東表媿仙羊感政以效
祥雖駕馬之十駕自鞭頤鈐刀之一割已鈍賴免曦之暨
遠巨粵分以移風佩犢帶牛丕變潢池之習羨魚飯稻游

逢樂歲之豐致此孱疎安然廉窈揆罔功而夕惕恐大譴
之曰加敢料思恩私復垂任使惟閩川之要屏邇岳狩之行
都地大俗繁務叢物阜必謀忠信慈惠之長可歌宣布中
和之詩深慮器盈有辜載遣茲蓋
皇帝陛下憲章遂古光演寶圖鑿井耕田措斯世于安寧
之域辭軒罷及賢周公而榮華至今既大振于朝綱每廣
求于民瘼謂臣久居遐邇遠而遷之以近知臣稍更繁劇而
勉其所長自非竭一得之愚何以荅十行之賜寵光有此
駕蹇若何臣敢不材罄夙宵憂分吁旦廣上聖仁心之澤
務在撫摩師前賢治道之言期于清靜

代雷州守謝到任表

惕日曠官幸免 龍之譴治雷調守游叨銅虎之榮 瓜
戍以入疆見葭萌而宣化中謝伏念臣顛蒙瑣質齷齪常
流儲慶仙源顧鄙霍出文昭之後策勳聖域慚向歌為漢
雋之宗蚤級迹于薦紳即抗容于簿領頃紆邦紱邈在海
濬佩犢何為帶牛盜蹤偶少問羊然後及馬政術莫知深
惧罷歸幸臻善了非上聖廣親之之大賜則微臣考下之
以何疑方族投閑庶幾補過敢意十行之寵復尸千里之
權惟南合之小州蓋徐聞之古郡波涵渤澥帆檣可達于
群蠻利足魚鹽井邑已同于中縣式塵共理迺濫匪材此

晏繁二字可
疑

蓋皇帝陛下功光祖宗德合天地濟艱難之丕業題晏繁
之昌期念大分八百國之封寔先同姓有唯良二十石之
慮欲人遠人致使卑凡竊司班錄臣敢不盡遵甲令以治
仰寬丙夜之憂公族之應振、弗忘古訓君子之風廩、
力企前修

代謝赦表

鑿輅就乾已報功而饗帝雞竿作解爰欽福以錫民凡在
式圍率同擊壤中謝恭惟

皇帝陛下執糠菜燧冠冕農黃良武興文不膠馬上之治
制禮作樂式展鹿中之祠嶽祇下而瀆鬼從地垠開而天

圃決六甲既迎于黃氣一蜚豈泄于青蠅合動籥之前言
鄒封錢之小慮覃此蓼蕭之澤脫然叢棘之囚率土昭蕪
群情滌濯臣盪司郡寄獲廣上恩札布十行仰湯后解網
之德罪寬三細体成王空圖之隆

荆門謝到任表

舊鄉學稼久號龍具之中昭代振淹忽玷虎符之末遵期
上道消日備負中謝伏念臣生也無庸少而自若鷲材僥
倖同介弟中詞學之科天語褒嘉稱先臣獲忠孝之報驟
躋儒館始接英躔暨禿節之來歸蹈駭機于不測而臣屢
緣父命前詣相門達危疑欲去之情擬猜忌不回之怒既

伏郡甫終于兩考偶投荒正值于斯時守臣觀望以中傷
御史憑依而論列獄辭既上乃翫法而卻回吏議不公即
舞文而求合錮廢已繇于一紀清明斯覩于三光惟當陽
君之故區在靈夢澤之西鄙雖承平之風未復而醇厚之
俗不移苟無貪吏之誅求便有樂郊之氣象深虞瘵曠真
擿何茲蓋

皇帝陛下覆物如天視民猶子遴侯邦之左契錄治行于
御屏下詔百官欲迭居于內外承流六服寧有問於適遐
凡此博求未嘗輕授載惟異渥猥及私門追歎九原出明
綸而賜謚召還二季蠟清貫以登朝當宰輔之選除書顧

姓名而勤聖問念無是似之質莫稱非常之恩銘骨自期
粉身何補臣敢不仰思旰食力效秋毫宣布隆寬常佩七
條之訓撫柔凋瘵敢輕一障之乘

賀郊祀表

蒼駟六虬疑頌祇而拜况園壇八陛慶掃迎之揭虔熙事
崇成衆心交抃中質切以七政以齊而輯瑞稱類帝之彌
文四卜不從乃免牲紀就郊之過舉于皇昭代何莫陳編
恭惟

皇帝陛下上聖凝姿中天立極藏干戈于既定其興也淳
焉解琴瑟而更張不膠者卓矣自政機之獨攬茲煥燎之

載颺玉梢瓊磬以諧音蘭酒柘漿之備物靈存表下瑞謀
光前生宣室以受釐御端門而肆赦臣耳聞錯事身阻侍
祠舉相如數十人作歌無庸馬走若兒寬千萬歲上壽有
羨鵲行

謝赦表

八音之調作歌禮成繭粟五刑之疑有赦澤動雞竿凡在
堯封率同虎拜中謝恭惟

皇帝陛下恩周地軸治叶天璣總攬樞綱振孝宣之治道
周張黼繡講元鼎之浸容壇奉玉以臚驪府封錢而肆肯
鑿井而飲已騰寧臺之歌畫地為牢共近空虛之慶臣甫

承人之獲布上恩戒此遐萌啟良心而遠罪奉茲輕典副
成德之好生

賀皇帝慶皇太后八十表

進壽東朝宣恩北闕殿上皆稱萬歲瑞應非常海內之凡
九州歌呼同慶中賀臣聞喜黃髮而頌壽母魯國有詩摘
紫房以和慈顏晉人自賦若長樂備常珍之奉在前王無
故事之傳恭惟

皇帝陛下道大興高功光系漢日致其孝有曾閔事親之
風帝降之祥得黃老養性之福雖蚤朝而晏罷必夏清而
冬溫逢八十春秋之尊出五三經籍之石吹律式迎于首

祚舉觴遂介于長年歡連宮闈澤洽黎庶比屋起南陔之
養瑤池呈西老之符興慶之率百官曾非曠典建元之後
三筭何筭陳編臣遠守小邦側聞盛禮迴鑿紀事微蹤常
錄于汗青賜札錫民異渥獲推于戴白

賀皇太后慶 十 跋

慶婦慈壺禮講壽觴鍊石以來孰爭年于彤史吁嵩所暨
咸播澤于黔黎中賀恭惟

皇太后殿下德範光前仁心及物比任姒跡助文謨武烈
之興好黃老言得天長地久之應方聖主極怡愉之
養宜皇乾錫穰之簡之祥式對三微仰稱萬壽黼黻班

衣之樂枕棟黃髮之歌寶殿騰歡龜臺獻瑞七十曰老已
誇古昔之希八千為春永受邇遐之祝臣博觀載籍未睹
異聞恩在私門記卷簾之殊渥儀分廣陛想貢壻之清班

代賀皇帝表

喬雲結嶂爛南極于紫霄元日稱觴介東朝之黃髮却音
所暨嘉頌載騰中賀竊以有三足烏說西崑之戴勝鍊五
色石聞上古之斷釐已標仙籍之長生或播皇風于不朽
慶絲長樂事始昌辰恭惟

皇帝陛下聖稟姜任行齊魯閔問安視膳蕃登專鄉于媪
神捷德依仁介福粵來于王母禮行却下歡匝宮中八千

歲春方百分之及一十七代史比萬壽以無雙臣遠使重
湖與聞曠典仰泰階而肅序厥路無繇祝坤極之增年後
天而老

賀天申節表

日永星火以正夏玉燭咸和霓繞斗樞而照郊金鋪有慶
浮邇遐之喜氣集高厚之麗褫中賀恭惟
皇帝陛下濬哲題期勤勞濟業天連珠而合璧民繫壤以
登臺自躬攬于政機更力行于治道按六經而校德方駕
義農稱萬壽以獻觴齊踪彭老臣叨居小壘阻造廣庭心
慕克封不勝多男之祝手披魯頌乃賡台北月之章

天申貢銀狀

九夏乘離千秋迎節雖下陳之封略有上壽之章程前件
物涌地效珍瞻天贊慶介荊州之三品不腆方輸匪朱提
之一流難恭庭寶

謝賜紹興二十九年曆日表

遠推竹律掇易道以歸奇中出德書亘坤輿而班翔雖為
常憲時謂新恩中謝竊以命南正北正之官曆翁道始積
大餘小餘之數閏法可求惟昌辰華^華次之非故大紀得
厚生之善足詆孟取之珍豈差大火之流恭惟
皇帝陛下欽象絳旋齊尊曜魄張登三之治具受行萬之

盤洲集
依符好雨好風轉破塊鳴條之沴若烟若霧覩連珠合璧
之祥既成歲以定四時蓋次春而大一統遂令共貫咸得
編臣名綴典域職當宣化奉行政典敢干木鐸之刑勸
節農功庶獲火耕之効

盤洲文集卷第三十六

盤洲文集卷第三十七

表二十三首

謝賜御製損齋記表

淵衷好易玩山澤之立辭睿藻名齋揭日星而垂象迺刊
琬琰溥及簪紳臣中謝竊以六位成書有數家之口授四
方觀化必當宁之窮行與其考梁丘朱鹿之異同何以益
黃帝堯舜之平治仰九五聖神之學求三萬訓故之言恭
惟

皇帝陛下道績緝熙理潛易簡擬狼狐蹈參伐而神武不
殺御處妃屏玉女而清靜無為鈞探義文室侈日蕩心之

朱鹿疑朱陸

欲品評唐漢監持盈守位之非爰標榜于宸居獨踐修于
損德翠不裂而璫不族盡草紛華墨之妙而筆之精它無
嗜好著寶奎而龔六合太極之函三風動通遊日趨御名
朴臣恭銘座右已閱校官今祿利而學者不明共慚童習
自奉養之君子有節上法聖謨

知徽州謝到任表

叨拜言綸復分符竹繇小壘而升輔郡去遐邊而接故鄉
責重弗勝恩隆難述中謝伏念臣弱材無似末技易窮頃
獲戾于權臣即問耕于田父起廢忽臨於一障備員甫歷
于三時休鴻雁勞耒之章竭駕駘鞭策之力政無善狀偶

見取于疲民辭至外臺遂共騰于需贖豈期茂渥有此超
除尺五去天望觚稜而甚近夫三為屋指井邑以相隣惟
富州擇吏之不輕恐謹域詣曹之莫免茲蓋伏遇

皇帝陛下德游和氣澤播黎苗方循名責實之朝才長必
錄故宣化承流之選詳試所行欲察字此不嫌易地臣敢
不究心簿領率俗農桑對以春秋願奉典城之計著于甲
令益圖報國之忠

謝赦表

疑疏行孝方視繁于慈闈貫索韜光遂解除於密網恩波
匝宇罪黨瘞國中謝恭惟

皇帝陛下德過舜文行高曾閱自遠迎于駟駕常款戲于
斑衣問安否之何如偶愆調護禱神祇于上下必底康寧
亟圖勿藥之功復需蓼蕭之澤仁心宥過和氣致祥臣連
玷左符並逢曠典二筭之復八十已敷惠于遐萌五刑之
屬三千今滌瑕于茲土願哀吉語永介壽祺

大行皇太后上僊慰表

蒙生慈壺痛貫宸衷奉諱之初提封同戚中尉伏以大行
皇太后生全五福德洽六宮三母翼周播徽音而並駕一
成祀夏誕聖質以中興方期壽祉之增忽愴仙遊之隔恭
惟

皇帝陛下得虞舜事親之道極文王問疾之憂念駟馭之
艱難養加于孝逢棘風之變故情過于哀願寬罔極之悲
式体系隆之重臣限以官守不獲奔赴闕庭臣無任

顯仁皇太后祔廟慰表

栢城襄事隔慈景于東朝縻主寧神講嚴禋于清廟凡后
覆載靡不悲懷中尉恭惟

皇帝陛下養尊母儀情深孺慕五表而臨素幄罔極哀悰
九虞之奉真游弗純吉服逮茲登配益感劬勞願抑凱風
寒泉之思以慰普天率土之望臣限以職守在遠不獲奔
詣闕庭

謝賜紹興三十年曆日表

叙書則斷堯典度授民時言天者以夏正茂明歷法妙于
推筭欽若統元中謝恭惟

皇帝陛下受籍求端握符行律在璿璣以齊七政狗木鐸
以戒百官大史司日月之行不差宿離鴻範著天人之應
時若燠寒臣不敢仰体深仁恪思共理教下民之農事復
當火紀之朝考要說于術家有慶金穰之歲

賀立皇子建王表

選建宗英行真王之故事牧寧邦本繫率土之群心凡屬
照臨舉同呼舞中賀恭惟

皇帝陛下系隆漢統疆固周宗陳王業之艱難永懷藝祖
辨廟祧之昭穆不私太支蚤求繩武之賢久茂積身之德
若古有訓惟斷乃成一索得男名協游雷之象衆星拱此
光騰左轄之躔復塞嫌萌益高聖慮臣猥臨近郡獲拜細
事海歌螽羽之詩慕華封之善頌作燕謀之祝慚枚叟之逸
才

謝賜御書手詔表

方底再封制官刑而出綽周行九命誦睿藻以書紳具瞻
雲漢之光爰積淵冰之懼臣中謝伏以三風之戒徇貨若
稽湯后之謨八法之糾治邦詳著周之文典蓋驕驚不通

古今則安能應變期會不報簿書則何以責成或舒緩以
養名或拱默而尸祿迺居官無黔突之計故載路有伐檀
之譏皆軫慮于冕旒遂成章于筆墨流傳所屆廢格有誅
恭惟

皇帝陛下獎章賙交務先政事核六事謝苞苴之責百篇等
訓誥之文罷蠲淮之魚德高禹貢去稗田之曠指合周詩
風移當自于身修奎未腹助于心畫臣久違朝籍猥守王
畿絕密嶺而斷楓香願攀任昉問馬曹而招竹隱敢效綴
之

謝賜紹興三十一年曆日表

璿璣齊以七政鳳曆奏篇攝提正于孟陬龍躔更始同文
所暨承式惟虔中謝恭惟

皇帝陛下道妙範圍仁周動植疇人雜候最密清臺之書
正月始和若觀象魏之法紀中興而有永極廣覆以相傳
臣職忝承流榮沾賜札永惟五紀欲歛福于編氓必使三
時無輟耕之游食

提舉浙西常平謝到任表

支郡埋人已殿道州之考外臺置使驟膺司部之除入境
云初逾涯是惧中謝伏念臣品卑馬走用虧雞尸游分符
竹之榮蔑著消塵之效在外十九年矣清班已高于修門

取禾三百廛兮厚祿敢期于近甸忽叨出綽遂使登車
萬鐘之歲久見欺于鼠雀開一廬以賣方并按于狐狸正
積弊之剗除豈弱材之堪任茲蓋
皇帝陛下更張治具曲播人材朝令夕行智兼收于屏策
叔出季處恩不替于一門乃若皇華付之駕品臣敢不馳
驅郡國宣布詔條發粟以賑貧民何須矯制乘傳而張空
簿孰敢效尤

代朱丞相第三辭免表

秉鈞虛受深懷覆餗之憂批詔游盼尚闕循墻之請輒控
再三之瀆庶幾萬一之從中謝伏念臣識不始微器非任

重浸執股肱之政畧無根柢之容報上闕焉省躬惕若方
大明更化已臻琴瑟之調而中吳傳餐頓軫甲兵之間若
時枚卜衆所具瞻豈容測海之蠡可備濟川之楫月三日
而成魄誼合辭盈階六符以觀天理難代遺伏望
皇帝陛下俯垂公聽亟降可音不嫌渙命之還俾 師言
之誦姚崇成天下之務別選能賢汲黯寢淮南之謀必期
益國

江東常平謝到任表

影剡部之纓勵能信宿乘楚人之傳復冒殊恩甫入疆封
未知職守中謝伏念臣蚤緣薄伎嘗綴清流逢凶德之擅

朝踵親闈而去國歲一章之在外瀕死而生車兩轆而居
前跡今非昔忽出綸于中禁得攬轡于內畿草草推之奸
詎能興利理宇益之災方欲求端偶同產之典城致孤根
之易地四牡勞耒于周道既崇文石之登六鷁退飛于宋
都誰謂觚稜之遠迹未陳于棠舍官復在于桑疇雖過家
諸上冢之私豈奉詔有察州之效所憂短力必抵大何此
蓋

皇帝陛下責寔人群留神國用棟梁析拱隨小大而度材
金穀米鹽均適遐而置使有如臣者亦在遣中臣敢不靡
監夙霽霽編行郡邑問幾何于庾氏仰副王音通什一千商

人少禪金府

欽宗皇帝升遐慰表

萬里蒙塵咸俟翠華之返一朝厭代已成碧落之遊音諱
遠來哀推固極中慰恭以
大行孝慈淵聖皇帝堯仁舜孝禹儉湯寬位登九五之尊
時逢百六之會重羨羨之易久矣明夷迷襄野之途期于
傾否遂傳既展永斷回鑿恭惟
皇帝陛下仰紹君臨內懷友愛陟彼岡而瞻望恨禹終天
抱其弓以烏號痛深叩地願講反兵之報少寬當宁之悲
臣恨以官守不獲奔走闕庭

賀明堂禮成表

布政頒時粢稌謨于汶上稽經諏律範祀典于宮中豐澤
既行絲區同慶中賀恭惟

皇帝陛下孝存嚴父禮謹事天三歲親祠屬有甲兵之間
六飛儼處弗陳鑿輅之容况當越紼之時亦損垂裳之飾
笙磬設而不作采盛素而益虔事有權宜靈斯悅豫臣身
拘乘傳心在執籩授五篇之詩媿漢儒之難及右四方之
嘏幸周頌之可歌

明堂貢銀狀

菟越紼之儀九筵陟配謹執籩之職萬寓駮奔前件物貨

出朱提品非白撰稽舊圖于公王已頌我將省內府之耐
金庶逃邦憲

謝赦表

明堂度九尺之筵應房心于穹漢天之止一人之獄流雨
露之湛恩風在式圖率同擊壤中謝恭惟

皇帝陛下輝光周頌度越帝圖消吉日于杪秋講多儀于
路寢禮成奠璧已嚴父而配天澤播封錢何為牢而畫地
臣獲聞熙事猥綴外臺鼓舞龐鴻慶漏泉之大肯奉行寬
恤懲掛壁之虛文

賀誅完顏亮表

明詔出車憺英威于毳幕 凶染鐔布告語于橐街喜匝
幅負事超簡策中賀窈以陽九厄于百六會否終則傾運
一變者三十年惡周必復國贅游于昔者胡扛鼎以猖然
若聖典仁不忍干戈之用以大事小屢捐玉帛之珍悔禍
有期叛盟在彼一介到闕謂割地之請為必從而宮蒙塵
豈戴天之仇而不報雷霆震怒日月耀兵雖邊捷之交馳
偶淮師之小衄致令對壘直欲涉江蓋瓜步既應童謡那
無天道恐棘門或如兒戲將屈帝尊孰知呼吸之間已得
分驚之報福胎殄絕殺氣澄清詎容去腹以實鹽政可漆
頭而為器示猶夏四夷之戒慰在天九廟之靈肥水之敗

符堅尚猶亡國澶淵之滅捷覽永斷侵疆俟猛將之犁庭
沿舊京而迎蹕役無再舉慶不一書恭惟

皇帝陛下睿斷有為廟謨必勝坐料日中之虜迄成機上
之屠殲厥渠魁斯足攄高文之憤禪于姑衍何止歸郵薩
之田臣文既無以磨崖武又不能畧地距躍三陌窈同折
屐之歡臚句九賓願上奉觴之壽

車駕視師起居表

百將爭馳必推鋒而滅虜九旂順動欲按轡以勞軍喜氣
騰空祥光護野中賀恭惟

皇帝陛下振威亂發憤罷和生滅凶酋乃帝王以全而取

取勝仰符天意蓋春秋尤大于復仇蒙犯初寒勤勞清蹕
茲周行于壁壘即光復于京都臣斗食無功咫尺願在望負
羈絏而巡天下敢齒執爨有壺單以迎王師竊思馮軾

謝賜紹興三十二年曆日表

居鄉底日以南正而思天治曆明時非魯人之失閏紀元
有永賜機惟榮中謝恭惟

皇帝陛下德煥炎精氣調玉燭枝疇人之疏奮得神筮之
本元正朔所加暨中原之舊局鑿與斯勳考吉日于叢辰
臣乘傳備員開編謹始橫行破虜年新數中興平糶利民
歲必觀于上熟

提刑司謝賜曆日表

歸奇象閏大衍之數可推幸次失方孟陬之躔已正札書
所賜縣宇爭傳中謝恭惟

皇帝陛下政叶璣衡明齊曜魄羲完南而和完朔法帝先
之授人時趙舉春而倪舉秋納魏相之陳月令冒海隅之
出日靡天下以向風臣偶以攝室游茲拜况好生惡殺体
任德而省刑力耕教耘期歐民之樂業

車駕回臨安起居表

鳴葭近甸俯臨細柳之營回軫離宮何取長楊之獵百神
迎蹕萬寓騰歡中謝恭惟

皇帝陛下業濟難志圖清壹淮陰已縛非高祖偽艱雲夢
之游獵猶既平宜宣王復文武之士欲講清廟升祔之禮
不憚屬車來往之勞天克相于吉行民不知夫順動臣幸
因使指入拜威顏從駕在豹尾中無階扈聖快心于狼望
北尚異銘功

欽宗皇帝祔廟慰表

靈駕居夷緩七月因山之制禮官鍾故講九虞祔室之儀
覆燾之間悲摧固極中慰恭惟
皇帝陛下念深鴛翼恨絕龍鬣攘狄復讎啟周人之白旆
從戎下詔同晉國之墨衰方綠江而視師為升廟而回蹕

嚴裡之際宿憤已摠即聞卜洛之期斯慰陟岡之孝願裁
戚抱式狗輿情

欽宗皇帝小祥慰表

蒼梧不返正瞻望於靈輶新穀既升已變更于緹籥凡居
臨照同盡攀號中慰恭惟

皇帝陛下承續丕圖盡傷遠狩因心則友履霜露以纏悲
折馘而還封鯨鯢而示報茲逢練祭願抑哀情

顯仁皇后大祥慰表

坤載雲傾痛栢陵之永閔喪期有數驚駟隙之如馳中慰
恭惟

皇帝陛下孝德無加哀情固極臨朝而暮不忘問寢之時
肆青所行尚軫稱觴之澤茲逢祥祭橫集悲悰願欽對越
之靈式徇御名然之禮

盤洲文集卷第三十七

盤洲文集卷第三十八

表二十二首

戶部員外郎淮東總領供職謝表

乘傳倉臺久叨榮於鄉部綴員卽位遂董餉於軍門下拜
頂恩疾驅莅職中謝伏念臣耳聞不廣心計甚疎迹遠朝
班失登瀛之故步官慚使指竊鬻海之虛名頻年獲覲於
清光仍世俱需於異渥家蔽有忝處雁序而不能鳴天語
屢獲謂駕材之皆可用故茲推擇驟出等夷方高寧佑再
造之機而英斷講萬全之策增淮瀆之幕府下海道之樓
船七萃雲屯舉張頤而待哺千金日費難拱手以蒙成欲

宿飽之可期固宜餐之是懼茲蓋伏遇

皇帝陛下規恢故境選擢群材細柳屈帝尊惠已深於扶
續前茅戒軍政人自樂於推鋒念足食乃能足兵已治內
然後治外猥令叢品姑試事推臣敢不慮在之興勉旃代
遺乘此胡止之運少佐武功竭其父教之忠不為文具

太上皇帝內禪賀表

睿斷無前寶圖有託慶繇宗祏瑞發乾中以賀恭惟
太上皇帝陛下臨照四方憂勤三紀開儲禁非猥切之請
異大位於閒暇之時殺單于而敗單于擣高文之憤矣家
天下如官天下法堯禹而兼之樂哉別宮釋此重負臣偶

川當作坤

分外寄莫綴末班徒傾微藿之誠第祝大椿之壽

皇帝登寶位賀表

度遵中詔光御丕圖四方歸心千歲接統中賀恭惟

皇帝陛下聰明稽古仁孝承祧天之歷數在躬重華協帝
王有聖德受命下武繼文規恢再造之功鞏固無疆之祚
臣名恭即位職闋轅門徒馳拱極之誠莫預呼嵩之列

登寶位貢銀狀

伏以龍飛御極即天德之有開虎拜秦珍豈玉人而可闕
前件物載諸禹貢掌在周官涌地效祥敢恭三帛之贄旅
庭率職深九牧之金

深字下脫一字

謝登極赦書表

日月合明。仰大君之繼照。雷雨作解。洽盛德之好生。雖然有截之區。率此非常之霈。中謝恭惟

皇帝陛下誕膺天命。光宅帝尊。增重規疊矩之休行。破觚斷珣之政問。安視膳傳。治國之仁心。施惠布恩。薰突^空圖之。協氣臣幸。因使事獲拜禮書。獄止一人。頌已騰於廣陌。畿方千里。觀茲快於速郵。

太上皇帝上尊號賀表

發揚聖德。膺受徽稱。輿日播傳。望雲呼儻。中賀恭惟。太上皇帝陛下居域中之太。以天下為公。位既正於青宮。

鬱字上下間
疑脫三字

心遂輕於黃屋。鬱之氣久著休符。魏、蕩、之名永光顯冊。乾坤合慶。宗廟產祥。臣遠采異聞。難形鉅美。事高光典。六五帝以垂鴻。誠儼華封八十春。而介壽

賀皇帝上太上尊號表

考古先之闡典。崇太上之尊稱。傳命詔函。騰騶坤軸。中賀恭惟

皇帝陛下纂堯之緒。廣文之敬。五日一朝。未伸業、之孝。千秋萬歲。欲顯魏、之名。乃揆休辰。式加明號。祝壽齡之。繇永彰聖德之輝。光臣迹滯江濱。心馳日下。望丹墀之九。級效喬嶽之三呼。

賀會慶節表

舒虹紀節日在析木之津翔鳳騰章下獻南山之壽中賀
恭惟

皇帝陛下繼明疊矩受命迓衡傳位非漢唐踵二皇之遐
武事親若魯閔得萬國之歡心初開長發之祥共上無疆
之祝臣名塵省戶身限都門鵷鷺分行莫造班庭之列岡
陵介祉第深存闕之誠

謝賜隆興元年曆日表

真主履端七政在璣紉之器疇人課密萬民觀象魏之章
覆載無私奉行唯謹中謝恭惟

皇帝陛下誕膺駿命光宅丕圖元年者君之始年春秋乃
承於天意九服其外曰蕃服正朔已加其國人式頌曆象
之文咸識旦昏之候臣猥司外計例拜新書雖有考於王
正顧何知於帝方

賀天申節表

業隆化馬喜脫屣於繁機節紀流虹納垂紳之嘉頌中賀
恭惟

太上皇帝陛下希夷合道昌熾錫符宮室安安可笑新豐
之築神祇擁右不勞方丈之求彌月斯臨後天有禱臣猥
司軍饗莫綴朝班錄金鑑而上十章具存彛訓奉玉卮而

稱萬壽胥慶縉儀

欽宗大祥慰太上表

瞻蒼梧之野尚結愁雲廢棠棣之篇游經句歲哀纏情而無盡禮順變而有終中慰恭惟
太上皇帝陛下望斷龍顏愛御名鴈齒書謂之五典已分天下之憂喪不過三年遂畢聖人之孝願寬悲愴以對崇懷

又慰皇帝表

朔方遠狩帳未返於龍輶西汜疾馳驚再更於葭律哀纏當宁恨結群編中慰恭惟

皇帝陛下甫協帝華如繩祖武策士罷臨軒之禮復儼興出塞之師寒往暑來遂畢三年之祭乾旋坤轉諏六綽之儀願豁情以尊神器

賀會慶節表

月管就盈時既和於玉燭星樞紀瑞慶斯會於金鋪凡在九圍共祈萬恭惟

皇帝陛下聖明總代勤儉定尊披輿地之圖欲規恢於禹迹歷中天之載實符合於漢興誕節再逢頌嘏四起臣名恭即選軍須窈比華封請祝虹流之祉仰瞻魏闕莫陪虎拜之班

賀主皇后表

吉協著經儀成椒屋星軒絢彩地軸臚離中賀竊以二南
為王化之基六職修陰令之事必登建於邦媛斯昭著於
皇嬪彤史所書芳圖可監恭惟

皇帝陛下重華協帝先治齊家崇九廟之嚴裡竭兩宮之
孝養再歲已勤于內助中闈未奏于隆名遵太上之訓詞
備有司之典冊倪天所命選日為明太妣嗣徽音益顯太
任之德長秋正坤極永承長樂之顏臣出掌軍須側聞國
慶祝聖人之多子竊效堯封歌淑女之進賢何慚周什

賀皇后表

發祥龜筮正位宮闈歌二南采行之詩備六服禕褕之禮
中賀恭惟

皇后殿下明章淑範肖似徽音大練厚緇法陰馬中興之
后重侯累將鄙宣元外戚之家坤極既尊母儀可仰臣方
司外計莫綴末班慶椒掖之禮成傾葵心而頌作

賀太上皇帝表

乾綱總伐爰契聖坤則正名更勤慈訓禮成今日慶出
陳編中賀恭惟

太上皇帝陛下等遂恭元凝神道妙幾年薦舜邁盛德于
帝勛三母翼周示美音于太妣章宮中之婦順作天下之

母儀臣偶縛微官竊聞綽典班莫趨于九級化益詠于二南

賀壽聖皇后戔

祥開穀旦儀講椒塗具嘉慶以無前仰徽音之有續中賀恭惟

壽聖皇后殿下景鐘撰德沙鹿垂光夏之興也以塗山助成寶業。芻之覃于中谷。允蹈鼓詩。茲選建於副禕益怡愉於長樂。臣職供外閭。身馬上。却敢哀擊壤之謠。用繼覲天之雅。

謝除司農少卿表

分職供軍每懼乏興之謹。結名司稼更叨因任之榮。力短無庸。恩隆曷報。中謝伏念臣螢光非遠。鼠技易窮。偶竊卽曹之稱。未專餉道之事。逢時多壘。尸祿再暮。興十萬師。則費千金。况增禁旅。率三十鍾。而致一石。遠出淮濱。東遷齊附之遺。蒸北受白。歸之雜種。市租輸入莫府。茲事茂聞。衣食仰給。縣官其人。愈衆常虞不足之患。徒辱非常之刑。華袞自天。忽得有勞之獎。列卿惟月。遂塵不次之除。重拜綸言。彌光使指。深思激勸。獨誓糜捐。茲益伏遇

皇帝陛下德威協華政先核實整先經武內堅再造之誠任賢使能兼屈萬全之策雖輸平而款塞益嚴備以防邊

不弃斗筭之材庶終尺寸之效臣敢不搏節出內防閑弊
欺峙三遂之芻芟瞻前敢闕問一歲之錢穀善後是圖

謝賜隆興二年曆日表

泰階陳六符之經若稽要說玉燭調二年之曆誕布新書
賜札為榮開編有考中謝竊以驗之天道則有分至啟閉
之叙施之人事則有折因夷隲之宜明主求端南向謹中
星之候疇人失閏西流差大火之躔課密奏篇統元貽憲
恭惟

皇帝陛下德參穹壤政法陰陽行夏之時不與孟陬之紀
紹堯之後復修暘谷之官存居正以次春始歸餘而成歲

臣例叨頒朔未獲朝正名玷穠臣義寔慚於九扈職專饒
道積唯幸於千倉

謝中書舍人表

起草八埒懼攝承之大譴判花四戶塵清切之近班自憐
骨相之寒更冒身章之寵瞻天拜命踣地銜恩中謝竊以
典冊之難古今所重欲發揮於聖意用鼓動於群情必無
麗卿雲無翫散詆媒之病則上規姚姒有聲牙幽眇之風
如注者學頊就荒詞鋒愈鈍異時擢第竊入洛之虛殼要
路問程綴登瀛之顯列中遭禁錮久事蟄藏幸琴瑟之更
張齒搢紳而復用疊懷郡鼓游易使輶遙聯即位之名分

摠軍儲之寄來春秋於高閣已謝毛錐呼庚癸於首山但
防羽檄滯躋卿寺重到帝城蛻凡質於滄塗駭英游於夢
境議禮同於聚訟弗通因革之宜孚號以之揚庭莫擬坦
明之訓徒夸三組茂補一毫叨眷主之親除正詞臣之高
選顧掌制甚榮於內外豈備員能善於始終况朝政之所
關雖教書而可議詎容握斲之品乃點論思之間獲戾有
期循涯非擬此蓋

皇帝陛下剛健中正緝熙光明被六藝而佩禮文學惟稽
古練群臣而核名寔官必擇材何取鯁生使陳薄技重念
臣一門丹世繼入北扉同產三人迭居西省茲對紫薇之

直實增棠棣之華蒙兩朝雨露之私預盛事衣冠之數儻
報恩之有路雖赴死而不辭

謝宣召入學士院表

叨翰苑之優遷循墻莫避拜綸函之嚴召瞻闕而趨仰面
命之非常豈心期之敢望中謝竊以嚴樂司馬之於漢中
外相應以義理之文張陸九齡之於唐出入得參乎謀議
之職禮秩歷時而逾重官曹從昔而極清不惟專掌於代
言至乃與聞於論相莫堦視蔭有五埶學士之期連炬分
光非半夜鬼神之間迨皇朝之稽古廣賢路而得人或經
年闕長而不除必接畫量才而後用如臣者學終步獵志

不激印自重入於修門即浸階於華序久塵視草咸刺伐
擅偶逢疆事之興且改郊禋之卜鈴條潛動泥禮交馳這
以獨負復司外制初乏湧泉之思常懷閣筆之憂報單于
之書何能遏邊萌之禍下奉天之詔無以感悍卒之心頌
五技之盡窮親一麾而可去忽眈鳳尾之詔驟陟鰲頭之
班紫誥黃麻念史談嘗掌斯事前鴻後雁至盧奕三居其
官寵厚益驚職親曷稱茲蓋

皇帝陛下詳明政體精選人材賜宴清閒已命經筵之選
宿問民疾苦將修浴殿之舊儀既灼見於愚忠遂曲加於
飾擢臣敢不益尋素業勉企前英雖慚華國之辭敢負致

補 君之學力行直道每懲朋比之私上報異恩儻效涓埃之

謝賜衣帶鞍馬夷

色絲盛服兼金賁於九環銀轡文竊上駟來於六厩折腰
增煥問景知慚中謝伏念臣質謝囊雖業荒裘冶試演綸
之末伎玷持橐之清班帶櫛具而冠進賢漫綴章逢之位
駕齧却而駮乘旦敢萌馳騫之心驚比龍光被之駕猥此
蓋伏遇

皇帝陛下恩隆文陛禮重禁林市駿而築燕臺始終郭隗
解衣而呼陸九如彼唐宗仰叨覆載之私曷稱便蕃之錫

著鞭而騏驥居後難逃劉瑀之譏東帶而賓客與言竊起
公西之慕

盤洲文集卷第三十八

癸卯四月望日較畢此本足日乃浙闈第
三場也石倉記



盤洲文集卷第三十九

表十九首

辭免簽書樞密院表



龐恩曲被寔深非據之憂温詔下朕益重若驚之寵控忱
詞而屢瀆期聰聽之可回惟敬俟於嚴誅或退尋於故步
中謝伏念臣斗筭小器佔畢陋儒遭逢特達之知度越輩
流之上繪章締句尚堪鞭策於駑才經武整軍烏可恭陪
於籌幄躡先後軌必速煩言伏望

皇帝陛下施等乾坤明垂日月鑒此由表之請畧夫反汗
之嫌改用英賢使分宥宥之務庶幾庸瑣獲免顛濟之虞

臣無任

謝表

間兩社而為輔超級通聯籌千里以折衝冒勝重任仰承
殊命內集危衷中謝伏念臣處世卻行入朝寡與出言如
綉莫追溫厚之風持論不根祇瀆案高之聽每虞幽黜獨
忝誤知方進陟於禁林忽躡居于宥地偃辭弗遂尸素惟
憂念君臣遇合之難况之千載顧兄弟因循相繼曾不一
年寵既疊於私門望豈孚於公議茲蓋伏遇

皇帝陛下勵精治具垂意人材求儒雅以闡大猷術分邪
正有常德以立武事道叶施張雖當偃革之秋尤軫解絃

案高疑是崇
高或蓋高

之慮謂臣慙愚之見才或有長知臣頑鈍之姿詳於已試
欲其中立責以自強故奎畫有明諒誠易之褒而玉音申
可否毗贊之戒眷存至此報塞謂何懼無補於幾庭終難
逃於譴域臣敢不瞻前為監善後是圖取人絕親舊之私
遇事去朋黨之敬佩丁寧之訓常恐雷同輸悃愾之誠更
期海納臣無任

德壽宮謝表

致身紫橐浸高視草之班接武黃樞初乏從薪之策仰祇
茂渥莫遂深辭中謝伏念臣性愚不移材薄無用咨四岳
能典朕禮微討論制作之長俾萬姓咸大王言非明白溫

純之比久。俊執屢觸危機，載尋良草之盟，首預乘輅之選。念先巨有雪瓊之厄，雖禿節之尚存，而同產遭霜簡之殫。亦覆車之可畏，偶憑帝力獲締隣驩，將滙請以休故山。忍拜恩而長翰，苑未安坐席，又陟壽惟願宥密之責，匪輕懼謹，何之事難免。茲蓋伏遇。

太上皇帝陛下，蹈堯舜聖神之迹，記蘇張忠義之家，而世受知曷報隆天之施。一門集寵，存叨政地之除，內揆僥踰益增，肖越臣敢不鞭笞，駕駕景行，英塵抱公，滅私常無忘於三省，整軍經武，庶有補於一毫，臣無任。

謝賜生日生餼表

溫檢成章，軫門孤之初度，貴貂傳命，拜臺餽之多儀，自顧冥頑，甚慚錫三，中謝伏念，臣學不足以通治體，材不足以贊沉機，自登筆橐之班，浸躡鈞樞之任，一塵無補，百謫是憂，祿弗洎親，方篤蓼莪之感，思斯逮下，更叨華袞之褒，此蓋伏遇。

皇帝陛下，仁等上天，禮優近輔，有覲餼牢之賜，以榮犬馬之生，竊誓孤忠，曷酬洪覆，臣無任。

辭免叅知政事表

使瑞狎至方，戰越於新班，詔札尚來，未允俞於微悃，危倂臨谷，辭迫楯墻，中謝伏念，臣弱羽不可高飛，駕馭焉能遠。

適入朝見嫉防市虎之相侵憂國無聞矣井蛙之矣算自
參宥畫益負室餐忽叨制渥之私俾預政途之列儻貪榮
而不懼必獲戾以何逃伏望

皇帝陛下責寔循名量材授任憐孤鰥之安用寢茂命於
已行別選異能式隆上治臣無任

謝表

政塗備數莫 畫一之規樞筦攝室矣堪共二之寄僮僕
弗回於 戰兢徒集於微躬中謝竊以帝王以知人為
難臣隣以得時為慶必繙熙朝之業始凝絜后之勳置上
聖之有為咨寔材之可用樞綱欲振治具未張士風奔競

而所患乏材軍政糾紛而冒為立武豐財孰究其策去契
莫知其方既台縱之位尚虛故輔臣之責尤重如臣者荒
疎之學不足以斷國論區督之識不足以燭事機謬簡淵
衷浸超華轍惟基命於夙夜甫玷近司儻責備於春秋已
斯黜典敢謂九天之渥益躋兩地之班在三卿之中方期
學步於百寮之上尤懼代庖鏤骨銜恩汗顏就列茲蓋伏
遇

皇帝陛下大明獨照洪覆兼容謂其久侍清光體勵精圖
治之意使之共調元化成砥節首公之名臣敢不仰稱選
掄自加鞭策正紀綱而守法度誦聖語以力行籌帷幄而

坐廟堂竭愚誠而思報臣無任

德壽宮謝表

祇拜恩言進陪政路偃倭莫回於茂渥超超有覲於周行
中謝竊以股肱之寄責之二三臣文武之柄繫乎東西府
非得與邦之彥曷隆致主之名如臣者學不能考古而驗
今材不能任重而致遠叨兩朝之殊眷躡多士之清班歲
月浸淹涓塵奚補報淮南之詔雖嘗名於王褒草贊晉之
書終遠慚於陸贄甫能熬禁入贊鴻樞惟幄運籌無邊衝
之可折絲輪出命豈國論之能參集此僥踰若為稱塞茲
蓋伏遇

太上皇帝陛下如天覆燾猶日照臨謂其世紹箕裘或佩
教忠之訓使之位聯鼎軸儻收戡武之功臣敢不銘骨知
榮廉軀思效仰輔協華之治常虞竊位之譏臣無任

辭免除右僕射兼樞密使第二表

大庭渙號仰驚茂渥之朕細札成文未徇愚衷之請敢干
威咫尺瀝忱辭中謝伏念臣復近觚稜初無介紹受非常
之知遇忝不次之遷除雖孤蹤屢至於阽危獨淵覆曲為
之涵宥既超籌幄浸列政途一言可以興邦曾靡筦闈之
益四岳有能熙載遽叨柄用之私念大君揔攬於樞綱欲
內治修明於法度行信賞必罰之政求舉偏補弊之方杜

邪枉之門去朋比之黨財異公私之皆足事期小大之畢
張非得真賢曷勝重任豈伊樸遯可備使令竊深據蒞之
憂何止伐檀之刺伏望
皇帝陛下乾坤委鑒曜魄垂光別求有用之材俾免疾顛
之患臣無任

第三表

階六符以觀天象慚齊色月三日而成魄勢合辭盈存瀆
蓋高自知不宥中謝伏念臣器非任重識不燭微自躡政
塗即尸宰枋樞機周密豈神爵五鳳之年威福剛柔味洪
範九壽之叙况此相臣之闕歷手旬月之期予印惟難拂

龜有待茲竊處中之位必貽歇後之譏伏望
皇帝陛下念不移之愚追已下之命曲全叢品用穆僉言
臣無任

謝表

沆朝尸祿已寬策免之科當軸秉鈞更誤庭揚之命渙音
弗反朽質自驚中謝竊以宰相遂萬物之宜實求康濟之
效天下猶一堂之上可使戚欣之殊儻膠柱而無應變之
長或括囊而盡瘁之義則不能仰崇后德下慰民瞻必
有隆棟石之材始堪巨川舟楫之用豈伊匪據可以自
強如臣者天子凡安人知窘步幸千齡之獨遇致一歲而

當是柱石之材

屢遷尊俎折衝媿汲直履謀之美璣衡齊政茂舜官熙載
之能雖區、欲塞於倖門亦憚、恐行於危道祇憑聖察
敢罄愚誠不勝丹慊之憂輒請素餐之罪甫蒙恩宥延玷
褒除宰席踐久虛之班籌惟高對掌之職疏封侯壤進秩
文階寵渥便蕃有此雨露之澤制詞訓教出乎雲漢之章
竊顧罷駕若為補報恭惟

皇帝陛下焦勞圖治寤寐求賢視朝有禹湯之明當饋發
蕭曹之數敬神聖其臣莫及尚采鄙言天地之德曰生曲全
弱植矜其不逮勉以有為臣敢不期稱所蒙力行不愛佩
患失徇私之戒久矣書紳守奉公獲正之規庶其補衮臣

無任

謝表宮祠表

旬月贊襄終負和羹之美一朝顛沛自貽覆餗之殃仰戴
仁天得賒死地驚魂未返渙命難勝中謝伏念臣材匪時
須仕無人望指脩門而重入偶被簡知登要路以垂遷久
遭曷嫉既參宥畫劇陟台司不量鷲駘之姿欲副丁寧
訓然力小安可以任重惟本弱故易於根危茲因燮理之
非願請曠瘼之罪庶圖上印獲免傷弓眷注未衰尚褒辭
之在耳詎訾不恕忽禱奏之吹毛獨賴聖明持寬典憲徹
候就國已乖巖石之具瞻祕殿奉祠無異急流而勇退制

音偃受感涕交揮茲蓋伏遇

皇帝陛下寵厚股肱禮存體貌方此燭幽達枉不盡信於
多言憐其執法奉公致浸奸於衆怒未減投荒之譴保全
出盡之行臣敢不鏤骨銜思洗心思答乾坤莫報益堅存
闕之忠賦畝可歸或企淮園之迹臣無任

紹興府謝到任表

上丞相之印甫獲退藏懷會稽之章遽叨進用既自天而
申命即便道以之官中謝伏念臣識闇物先品居人下幸
際風雲之會浸塵柱石之班佩聖訓之丁寧靡辭任怨忘
駕安之蕭薄強欲徇公曾未建於大中已見愠於群小殫

文雜襲雖投裔不快其私淵度矜容使歸田以避其毒自
違威咫尺閱歲華仰沐知憐屢形獎錄敢覬起家之寵遂
膺維屏之除枚拭恩隆靡指報淺惟茲禹會是謂介藩職
連率則長於東方諸侯拱行闕則比之西都三輔就堯如
日身既近於長安入越之疆心甚慚於范蠡所虞瘴曠復
誤使令茲蓋伏遇

皇帝陛下擇共理之材振內修之政大明黜陟小人之道
日消獨摠樞綱五帝其臣莫及不棄蓋惟之舊俾分戮纛
之榮臣敢不思稱所蒙自鞭其後布宣德澤唯民瘼之是
求剡剡姦貪異州歲之可舉臣無任

朝永祜陵表

維乾道二年歲次丙戌十月辛未朔十二日壬午具位臣
洪某恭詣

徽宗皇帝永祜陵攢宮朝謁者臣某頓首頓首言曰垂衣
裳於盛旦咸仰文謨藏弓劍於名山茲連禹穴臣牽絲自
外泣篆惟新敢循守土之常獲展拜陵之敬恭惟聖鑒俯
諒微衷臣某頓首頓首謹言

諸后攢宮表

續有髮之史永播徽音瞻於越之山寶藏大練臣牽絲有
命懷組是邦敢遵故事之常式展幽宮之敬恭惟靈鑒俯

諒微衷

謝賜銀合臘藥表

速郵斯暨良劑未盼遥拜明庭敬藏溫詔中謝伏念臣叨
臨近輔甫對杪冬年身在中年躬同早衰之蒲柳藥皆上品如
遠采於蓬萊輔以朱提之珍貴於宛委之域沉疴可免興
予惟榮此蓋伏遇

皇帝陛下仁德宅中恩波浹下使臣以禮茲存體貌之餘
視民如傷况乃股肱之舊故推賜式俾護生經儻賒溝壑
之填必報乾坤之施臣無任

謝賜曆日表二

重離南面初臨再劫之年大火西流斯正餘分之曆新書
誕布綿萬前知中謝伏以業纂疇人數或譏於年次事傳
遂古法尤重於歸奇恭惟

皇帝陛下以天聰明如日臨照九疇攸叙歛五福以錫民
七政以齊定四時而成歲同文所暨開卷遂行臣職忝十
連壤均三輔火耕水耨耨俾不失於農期夜寐夙興唯深思
於王事天儀默運茲臨上戊之經民用前知如揭先唐
之信奏篇既出賜札惟均中謝恭惟

皇帝陛下離治嚮明乾剛行健解紘更化奮木鐸以令兆
民截管考敬在玉衡以齊七政清臺所考繇寓式同臣久

天儀默運乃
第二表當撞
寫

玷竹符再開穗曆司分司啟已知來歲之宜或耜或耜益
勉西疇之事

謝賜夏藥表

時臨三伏孰禦炎威北降十行昂來珍劑偃躬登受盥手
開嘗中謝伏念臣猥典介藩密依魏闕比因衰病將辟穀
以追赤松之遊茲拜恩狀可入門而遠黃能之夢此蓋伏
遇

皇帝陛下仁懷舊弼物重常儀御南風之琴普令解愠賜
西山之藥曲使衛生儻幸免於熱中期永肩於報上

安恭皇后上僊慰表

履起坤倪光沉軒曜凡居履載靡不哀摧中慰伏以
大行皇后著德椒塗傳芳繭館葛之章分于中谷元蹈雅
言夏之興也以塗山事追前躅孰謂倪天之聖遠虧邇日
之明恭惟
皇帝陛下化格御邦恩隆儂極懷哉淑範悼故劍而不忘
布此黼筵覩副禕而有感願遵經禮俯割悲悰臣恨以職
守不獲奔闕庭稱慰

盤洲文集卷第三十九

盤洲文集卷第四十

表二十七首

謝郊祀禮成加恩表

伏念臣待罪山陰依光日下遇聖主再郊之歲有關包茅
均泰元三獻之登遂霑細札既衍并畚之賦更叨公社之
封中謝茲蓋伏遇

皇帝陛下澤欲下流福非專鄉奉瑄玉而饗帝已貳縉儀
坐酎金而奪侯悉除契法故茲陟典猥及微臣誓堅存闕
之忠用侈傳家之慶臣無任

謝賜銀合臘藥表

承流無補久懷視蔭之慚拜况有光斯免負薪之疾鴻私
曲被弱質難勝中謝臣聞出壘賜金漢室用旌於良吏剪
鬚和藥唐宗以療於元勳惟聖朝獨異於藩垣故朕式並
行於伏臘恭惟

皇帝陛下仁如天覆恩與風翔帝堯立四時之官式謹司
冬之令神農審百草之味蓋存濟衆之心軫此下臣錫之
名劑使積疴之去體期後效以捐軀臣無任

謝提舉臨安府洞霄宮表

典股肱之郡曠職懷憂頌香火之祠拜恩從欲謹阿獲免
銘鏤難言中謝伏念臣姿稟凡庸智能局促獨玷前旒之

殊遇遂登右鼎之魏班數月盡心罔有一毫之補衆言銷
骨欲行四罪之誅仰賴簡知第從策免未呈黔突即奉專
城念牧人御衆之難體責寔循名之政妄欲抑強而宣化
未嘗畫諾以養高自恨斗筲之材訖無尺寸之效况以蚤
衰之蒲柳居然遠想於枌榆屢貢忱詞始諧歸志奉三年
之計有媿前塵起千里之行復尋故步此蓋伏遇
皇帝陛下軫憐舊輔宣布異恩茲聞同產之對敬復辱淵
衷之稱獎記臣立朝之宣力深咎懷姦之人察臣守土之
寡尤曲徇養痾之請少休疲苶曷報生成衡宇可瞻雖幸
眇柯之遠長安浸遠但馳傾藿之誠臣無任

賀天中節表

太階平而玉衡正甫臨九夏之中聖人出則里社鳴斯慶
千秋之節中賀恭惟

太上皇帝陛下道隆衆文德邁三皇博衍優游享尊親之
大養聰明光宅授翼子以燕謀茲逢流渚之辰共上呼嵩
之祝臣獲休鄉闈莫預庭紳想萬壽之稱觴宸龍拜手望
九陔而貢牘螻蟻馳情臣無任

賀郊祀禮成表

致慈竹宮簡靈辰而允協流光珠幄慶忘祀之備成德動
九垓靡傾六幕中賀竊謂聖人然後能饗上帝所以降康

周室庀官奏黃鍾大呂之樂漢京紀瑞作赤鴈白麟之歌
於樂昌朝高邁前躅恭惟

皇帝陛下應天尚寶除地揭虔格悅近來遠之和崇交神
塞明之報四圭有卨穆然祇采之容八陛為壇絜爾靜嘉
之薦星輝雲潤乾清坤夷納鴻祐以無疆薰嘉生於有截
臣駭奔跡遠率舞情深建太常之辰旒載欣跋事奉有司
之瑄玉徒想侍祠臣無任

賀太上皇帝加尊號表

禮尊丕冊慶溢慈宮凡厥式圍率皆擊壤中賀恭惟
皇帝陛下垂衣三紀脫屣萬機鼎泰高厚之祥泰處希夷

之樂唯天比天蕩、于無能名以道自娛、其有餘地
游隆名號共睹、綽儀臣退伏、故鄉遯聞盛典、上玉色之壽
莫拜下之班、細金遺之書、獨仰光前之蹟、臣無任

賀壽聖明慈太上皇后加尊號表

菟舉綽儀、鋪張寶冊、福歸慈禁、喜決綿區、中賀恭惟

皇后殿下、躡德坤元、僥尊乾極、一成祀夏、資內助以經邦
三母翼周、絕外言之入相、偕享壽之樂、游加加光大之稱
臣遥睇龍墀、莫班鷺級、播傳鉅典、益隆朔日之明、歌詠徽
音、願續倪天之雅、臣無任

兩宮加尊號賀皇帝表

瑞集慈闈、冊尊顯號、詔音所布、驩頌載騰、中賀恭惟
皇帝陛下、德邁羲農、行高曾閔、繩武有鑿、乾之志問、安得
治國之經、克以受命、為憂正享、倦勤之樂、舜盡事親之道
益隆賓寔之名、臣久去雲霄、遠藏田野、拜表章於興慶、身
昂班行、菟禮典於曲臺、心傾儀注、臣無任

立皇太子賀太上表

英主守文、協重華於盛旦、元儲繩武、閣游震之休符、慈禁
益尊皇圖、有永中賀恭惟

太上皇帝陛下、德垂後裔、道冠前王、萬方懷覆物之仁、十
載饗倦勤之樂、五帝足六、揭巍、蕩、之名、一日見三、衍

繼承之慶臣身居鄉社心係宮庭莫參振鷺之班祇
擬鰲之喜臣無任

賀皇帝表

吉日臚傳前星彪列布宣細札鼓舞綿區中賀恭惟
皇帝陛下聖德無前英規復古深惟國本之重默契天心
之功公龜筮既從袞龍獨斷故受以良兆三索之珍符相見
乎離著重明之上象臣退藏田野遐想闕庭徒存拱極之
誠莫睹呼嵩之慶臣無任

賀皇太子箋

覆載凝符元良主鬯慶開宗社騷動幅員中賀恭惟

皇太子殿下仁孝生知溫文日就天開地闢已題再造之
期海潤星輝於赫重光之瑞兩宮有喜萬祀無疆某逖處
故鄉欣聞徽典馳心鶴禁莫窺錢牒之文矯首鴻儀徒想
班庭之禮某無任

謝郊祀加恩表

熙事光前對泰壇之嘉况慶條逮下衍井邑之新腴仰望
明庭敬祇茂渥中謝伏念臣退休故里遠隔上都想進幣
於中宵莫瞻三獻記執綬於曩日又見兩郊何期膏賚之
行亦在周行之數茲蓋伏遇

皇帝陛下誠格穹壤孝寧廟祀禮既講于逆釐意實顯於

欽福惟漏泉之澤已決通遐故增戶之思靡分中外臣深
知禮屈益媿名浮竊幸逸居得養漳濱之疾敢循文具
辭叩殿之封

會慶節賀表

日臨析本光凝北陸之躔星仰流虹瑞起南山之頌式圍
所暨拱極適同中賀恭惟

皇帝陛下德煥重華志圖再造摠綱振領尊居蠖濩之中
越契踰繩何取鴻荒之際皇風載躋協氣橫流卓哉彌月
之祥申以後天之祝臣庇身尺地矯首起顏百辟奉觴茲
數十年之慶九垓衍笑已題萬壽之期

天申節賀表

伏以十載倦勤享太極彌高之樂萬方介壽增電樞有永
之符教教所覃驪呼

中賀恭惟

太上皇帝陛下化行禹貢德廣克仁乃武乃文濟興王之
大業已安已治授聖子以詒謀誕開金殿之祥存講玉帛
之慶臣退居故里阻望嚴宸徒傾葵藿之誠莫布松椿之
頌

謝加恩表

圓丘展采騶已接于靈旂中禁均釐恩遂加於上笏寵光
所及震悸靡寧中謝伏念臣一去闕庭三逢郊類包茅何

有職弗預於駿奔食采益增心甚慚於饗宴茲益伏過
皇帝陛下福非專鄉澤欲旁流其出如輪尚暨要荒之服
多與之邑不遺小大之臣故此慶條逮于舊弼臣潛山已
老報國無階雖深偃俸之情實負陪御名之渥臣無任

賀太上皇帝加尊號表

禮崇寶冊瑞湊慈宮凡在提封率皆踴躍中賀恭惟

太上皇帝陛下赤符受命黃屋非心兆民蒙匡武之恩三
紀獲崇文之效太上立德存誠踐履于義經天下歸仁盡
性無同於堯帝鴻名賓寶縉典流光臣退處丘樊遥瞻霄
漢臚傳 騶呼興慶之班壽介王色超超未央之舉臣

當是臚傳全
殿

無任

賀太上皇后加尊號表

瑞集慈庭冊尊坤極照臨所暨抃蹈則同中賀恭惟

太上皇后殿下邈日合明歌風播德堯天齊壽增藐蕩
蕩之名舜子承顏鄙洩融之樂徽稱三進鉅典一新
臣身 故鄉耳聞熙事葵傾四海漫馳存闕之心花覆千
官莫接呼嵩之武臣無任

賀皇帝表

慈闈受祉丕冊垂鴻教所覃耄倪同慶中賀恭惟
皇帝陛下業隆再造德煥重華武能廣文之教益揚躋蹟

舜盡事親之道屢講緝儀瑞溢堪興事光竹帛臣久違軒
陛遠在丘園二聖重歡何取中興之頌八音迭奏莫陪上
壽之班臣無任

太上皇帝慶七十賀表

作之君。作之師。邁百王之高躅。得其位。得其壽。問七秩之
耆齡。解澤流行。龐眉呼僊。中賀恭惟。

太上皇帝陛下垂裳二紀。既誕萬機。授聖子以無為。今上御名

堯天而兼覆。講玉卮之禮。自古所稀。計銅狄之年。於茲為
盛。臣迹儕野老。心慕封人。敢賡茂栢之詩。仰介大椿之祉。
臣無任

太上皇帝七十賀皇帝表

慈闈得壽。饗踰七望。八之耆年。繇寓臚驩。逢咸五登三之
盛際。厥今之慶。振古所無。中賀恭惟。

皇帝陛下。協帝重華。經文下武。奉兩宮之溫。靖閱五閏。以
尊安堯蕩。無能名益介大椿之祉。舜業。致其孝。獨光
汗簡之藏。臣身在鄉閭。心馳軒陛。想雲龍之綈。禮花動春
情。覩雷雨之渥。恩茶開秋網。臣無任

謝慶壽加恩表

慈極縱心。講後天之太慶。周行拜手。霑加地之新恩。却偃
僂之虛文。垂登閣之故事。中謝恭惟。

皇帝陛下以堯為效如舜事親長發其祥應七百卜年之神筮多與之邑託二三執政之舊人時出明綸以彰盛典臣退藏故里阻相祲容既并賦之濫增顧涓埃之何報臣無任

賀會慶節表

地闢天開際就盈之良月星流電繞書衍慶之非煙凡在式圍率同擊壤中賀恭惟

皇帝陛下聰明稽古慈儉宅尊息戰鬪以邦寧勸農桑而家給稱玉卮之萬歲若舜事親上金鏡之十章興唐比迹烜赫誕彌之節歌呼難老之謠臣久去宮庭遠歲巖壑首

百僚而上壽夢想鵷行足五帙以增年驩均鼇抃臣無任

賀立皇后表

雲祀臚音星軒絢彩凡依乾覆共仰坤儀中賀竊以詩首閔雅吟咏二南之化禮稱禴翟辨明六服之容惟嬪虞以媯泃之賢故翼夏者塗山之懿猗故盛旦倬彼芳塵恭惟皇帝陛下景命中興容光下濟杜私謁以肅房闈茂內德而御家邦觀法太任得嗣徽之太姒承顏長樂當正極于長秋喜動慈闈慶垂寶冊臣身藏田里心係闕庭椒塗既進於鴻名蘭館願脩于故事臣無任

賀皇后表

慶溢楓宸禮成椒屋共賦倪天之雅仰瞻邇日之明恭惟
皇后殿下播德鞠衣流光彤管繇良家八月之選冠天極
四星之躔周之興也太任續前塵于昔日葛之卑分于
中各助內治以歷年茲正位於純坤益盡權于長樂臣退
藏三徑仰睇九垓想奉冊以馳心敢貢牋而拜手

謝加恩表

八觚展采職弗預于奉璋四表均登渥遂儕於賜昨華章
所逮朽質為榮中謝恭惟

皇帝陛下降札先庶燔柴報本六變陶範之樂五脩繭采
之祠移慈極之孝心事天明而事地察受秦壇之靈既如

秦壇當是秦壇

山壽而如川增澤欲廣于下流福靡懷于專鄉致茲多邑
猥及微臣敢飾詐以循墻第銘恩而存闕臣無任

賀明堂表

大饗總章慶合祛于天地傳臚象魏鼓丕號於雷風凡在
式園率皆擊壤中賀恭惟

皇帝陛下化行禹貢德邁舜華五陟圓壇疊黃鍾太蔟之
樂一新曠典續皇祐紹興之秋服位森羅筮實豐潔夙駕
有霖淫之害齋宮開明概之祥聖格三靈歡未四表臣心
休尋整身阻陪祠記曩歲之執綏依乘玉輅想蕭辰之鳴
佩瞻仰金鷄臣無任

是古疑嗜古
瘡人疑瘡人

遺表

丁酉年病中所作
後七年而公薨

去天一紀每嗟遇合之難問路九原少駐斯須之景中謝
伏念臣學雖是材古不瘡人蚤從事于宦官敢纓情於好爵
初無介紹獨被簡知立朝曾不二年輔政乃周十月不敢
懷茲而固上但欲奉公而減私犬一吠形歷數秉鈞之罪
言三成虎不無投杼之疑旋昇輔藩久安祠祿園林勝而
鍾鼓絕阡陌少而子孫多家無餘財不畱心于斯事人有
百行顧沒齒以何稱伏望

皇帝陛下信任忠良聽從諫爭承顧盡孝以騷壽考之無
疆嘗膳復讎少俟腥羶之有蒙臣受恩弗報齎恨奚言尚

期結草之忠用展傾葵之素臣無任

盤洲文集卷第四十

盤洲文集卷第四十一

章奏一

論人戶役差劄子除江東提奉上殿

臣伏觀元祐中旨揮合役空閑人戶不及三番處許合雇募蘇軾上言謂聖恩欲使百姓空閑六年紹興二十六年六月一日續降旨揮批朱者歇役止於六年便與白脚人比並再差行之數年民受其利近因宣州一鄉上戶極少下戶極多守臣奏請本欲不候歇役六年即再差上戶有司看詳誤將歇役六年旨揮便行衝改遂致上戶却稱朝廷改法是以鼠尾流水差役必欲差遍白脚始肯再充當

差之際紛紜爭訟下戶畏避多致流徙蓋上戶稅錢有與下戶相去百十倍者必俟差遍下戶則富家經隔數十年方再執役臣前守徽州且以婺源一縣言之有差及一貫稅錢者民間哀訴誠為可念臣愚欲望聖慈將紹興二十年旨揮依舊施行庶使細民鼓舞德澤取進止

貼黃臣謂役法全在守令得人若付之胥吏則舞文生弊不可勝言今若施行歇役六年旨揮亦有合關防事件謂如一郡之內上等五戶稅錢五十貫中等五戶稅錢三十貫各曾應役下等戶並稅錢五貫以下係是白脚若以歇役六年再差稅錢在上之人却恐中等五戶

僥倖再差不及如有似此去處乞令自第一戶差至第十戶然後再差第一戶所費役法均平上下稱便

乞勿禁繫大獄干證人劄子

臣仰惟

陛下哀矜庶獄視民如傷丁寧欽恤前後曲盡而州縣之吏未能盡體好生之德不無冤滯以干和氣臣伏見諸縣徒以上罪雖有結解期限而吏胥利于追逮求覓或一年或數月始以解州又數月或半年方能結案或因徒番異則又未可預料其因以身犯法禁繫固宜獨是事矜之處或在卽店或在道路一時偶與相逢之人見其鬪毆死傷

便為證左相隨入獄雖供責已具而獄吏或以無保識或以別州縣慮其再追不至例皆同拘牢戶同解本州直候結案無番異方得釋放蓋證左之人多是他州商賈與村落農夫或有老親弱子別無他丁必候其人營販作業始可生活一遭禁繫動經歲月其家啼饑號寒遂擠溝壑其自或若疾病因而瘦死無罪隕命深為可憐臣愚欲乞聖慈嚴下州郡應諸縣所追證左若供責已其限一月先與名保知在或村落農太在市無人保識即令押下本都知在或它州縣人即傳押付本土隨其鄉部名保施行皆不得別為苛留聽令從便經營日食若罪囚到州辭情異同

兩知在二字可疑

或移獄別州鞠勘必須再追證左並委長吏取緊要人量行點追如或違戾常令提刑司覺察按劾重寘于罪提刑失察者諸司互舉之席使無辜之人不致久留縲紲其家不致窮餓就死以副陛下愛民止辟之意取進止

乞許逃業子孫贖產劄子 紹興三十二年建康上殿

臣伏見頃歲江鄉之民多因荒旱遷徙淮甸比遭虜騎之擾復還故鄉而所棄祖產皆為官司估賣雖欲復業已不可得扶老携幼茫然無歸所謂田園悉移于形勢之家但用低價計會十不償一至有指名投狀請佃入已而量輸租稅者於官既無所得於民乃有深害徒以惠兼并力勢

請託州縣之人揆之物情未見其可仰惟陛下聖德仁恩
光被四表憐恤忠孝之意奉為民蓋已度越唐漢况予
凋瘵流徙之餘僅存軀命王政所施莫此為急臣愚欲乞
睿慈下諸路揭榜斷自紹興二十八年以後凡州縣所賣
逃產如元業人及其子孫願以元估官價就贖者仰即日
寄庫納錢給據還產如係承佃者並行給還其牛種之類
係買戶續置者則還其主如或怙強恃勢尚復非理執占
州縣徇情迂延不為理取許經朝廷越訴仍專委提舉常
平官覺察奏劾如有犯者必罰無赦庶幾垂盡之民仰霑
德澤不致轉擠溝壑以副陛下視民如傷之意取進止

乞罷諸路抵當庫劄子

臣竊謂戎車既動支費倍增賦入有限生財極難納粟入
官者揮今已半年縣邑至有計苗一石斂錢一千以資貼
上戶者酒坊預借亦將月州縣多有追呼鞭治留之縲
紲者而江東一路方得十一萬緡生財之難如此臣伏見
諸路常平抵當毋慮百萬貫始欲輕息刺民而出納者邀
留需覓得之不時故民間不復與官為市率皆官吏作弊
以麤惡之物抵質高緡久而不取遂成失陷所存見緡又
掌之者仰充侵借今江東一路共有本錢十五萬貫而所
名息錢總二千餘貫臣愚欲乞睿慈將諸路抵當庫並行

減罷所有現在錢物限日下盡數起發如有侵兌並勒填補庶幾少贍軍旅之費取進止

乞添總領江浙財賦字劄子 任淮東總領日

臣聞名不正則言不順言不順則事不成臣所居官以淮東入銜而置司鎮江府所拘催錢米並支江浙諸州向來只有鎮江一軍則元科撥錢米足可支遣自用兵以來淮上增添宿衛軍馬及季寶一軍並是鎮江總領所應副雖蒙朝廷科撥錢物而州郡頑慢官吏各以不相臨統藉口視文移為故紙公然占愆不以軍事為意雖朝廷屢有指揮許按發違慢去處及浙西官亦許通行薦舉但官名未

正終是號令不行且以季寶及宿衛司所屯淮上軍馬計之每月所費錢二十萬貫米料四萬石截日終已那兌支發錢壹百萬貫文米料一十六萬石而所科撥諸處錢物但有平江府發到錢一萬貫文常州鎮江府發到米六萬石錢一萬九千貫其江東諸郡月椿錢並不按月解發已拖下五十萬貫臣切恐秋冬之間或邊塵未息淮上必須增戍若不預行椿積則緩急之際無以措置如江浙州郡玩習弛慢無所忌憚必致失事臣已條具州郡少欠數目申尚書省乞取旨行下令如期起發外臣愚欲乞依鄂州總領官例於銜內添總領江浙財賦四字所有違慢去

處乞依前後已得指揮將當職官奏劾取旨重行黜責人
吏即追呼斷勤其它事件只乞依元來已得申請更不敢
別有增添陳乞庶幾官名既正可以督責應辦不致有悞
軍期干犯宸嚴俯伏俟罪敢進止

乞令漕臣備辦餽運舟舩劄子

臣伏見諸路總領官只以科撥為職其餽運之事則漕臣
所掌自海州被圍內外關食所運錢糧淮南漕臣則以殘
破之後舟楫未辦為辭隨軍轉運又稱官係浙漕不能於
淮東辦舩為辭並要臣本所徑行津運臣以駕輶之材誤
蒙使令不敢避事曠職到官數日間節次起發米四萬石

錢九萬貫銀二萬兩馬料一萬石並是臣措置舟舩般運
徑到楚州鹽城縣交卸入海所發綱運有在運河阻淺者
又親到揚州尋雇客舩盤減前去其泗州軍馬錢糧亦有
臣本所綱運徑行裝運至軍前者日今過他州綱運到來
未敢下卸逐急可以勸諭令渡江前去應副急關當間暇
之時一方用兵津運已是費力竊恐秋冬之間兵革未息
饋餉愈多如臣本所有綱舩可以撥發及客舩可以就用
臣自當體國同共津發若它州別有綱運到來漕司仍前
推避盡要臣本所津運必致有誤軍期臣愚欲望聖慈嚴
切行下淮東漕臣及隨軍轉運令先期廣辦舟舩以備將

來餽運不督推托致令誤事取進止

過江催發米綱劄子

臣被受今月二日聖旨處分海州軍食事臣雖已科撥米斛過江竊慮入閘之後或舟大水淺無船盤減官司不着緊催趕依前留滯有悞軍前指準臣遂已次日躬親過江至瓜洲方見齊僉武琪綱相繼入閘及到揚州根刷得朱實張受兩綱米一萬一千石各已于今月三日以前經過前去外有張球梁平兩綱共米一萬一千石內有一船裝二千石者阻淺在城內撐駕不行臣遂面見向子回即時措置尋雇客到船二十一隻共五千料用一十三隻盤減

口金二字不可解

臣隨行支與地里雇錢三百餘貫仍更支錢一百貫文付兩綱押人添助其他篙梢口金差使臣吳弼坐押已于初七日申時起離揚州訖尚有用不盡船八隻存留在岸已移牒強友諒候後綱有阻淺船隻即行盤減星夜趕發前去有轉運司差幹辦公事周伯駿前去鹽城縣措置海船臣訪聞前任知縣龔尹曾有官造多裝船二十餘隻及裕口羊家寨有海船數十隻臣已令周伯駿訪存在諸實勸誘使用臣緣本所見計置張子蓋軍馬合用錢糧并提楚州申張玘人馬亦已到漣水縣合要科撥糧食臣若更行起發至前路却恐妨曠本職已於初八日巳時回歸鎮江

府訖取進止

過江措置津運劄子

臣今月初五日戌時准今年五月二日尚書省劄子節文為海州被圍諸軍闕食等事五月二日三省同奉聖旨令洪追龔濤強友諒體認軍期急闕火急科撥躬親措置津運星夜前去如少有違悞當重寘典憲人吏決配仍具已起數日日時聞奏臣昨于四月十九日被受省劄奉聖旨除淮東總領臣於二十日起離池州至當月二十六日到任交割職事聞海州被圍慮恐軍士乏食即時檢索山東糧運案牘理會緣自海州被圍以後未見隨軍運副龔濤

移文措置般運雖有總領官徐康撥下張受朱寶兩綱米一萬一千石令往楚州鹽城縣分付龔濤津運入海尚未離鎮江府岸臣深慮糧食不繼海道或阻風濤不可預期遂再于四月二十八日根刷得新到宣州廣德軍張球梁平兩綱并四月二十日齊僉武祺續到兩綱通前六綱共計米三萬三千五百九十石當次前後差使臣丁用獄子王恩管押過江牒淮南運副強友諒再差使臣催趕至鹽城縣交付龔濤津運入海如有綱舡重大運河淺澁不能通行即令用小舡般博撥強友諒五月初二日申巳交割得張受朱寶張球梁平四綱差使臣朱德催趕前去訖今

所准聖旨指揮令火急料撥躬親措置津運臣今再於鎮江府權貨務椿管錢糧內裝發錢六萬貫銀二萬兩并裝發馬料一萬石及改撥宣州呂青押到米一萬石前去應副李寶諸軍食用外臣躬親渡江催督漕臣同共趕發別具奏聞次

支解圍軍兵犒設劄子

臣恭准聖旨令倍支海州解圍軍兵犒設及節制軍馬行下支散宿衛前軍回歸人犒設一次臣取會到本軍見管五千一百六十一人其四千七十四十三人係同張子蓋到海州解圍共四百一十七人係在楚州不曾過淮之數臣

將到海州人倍支在楚州人各支一次犒設臣昨聞今春所犒軍士有統將隱沒不需朝廷實惠者致使介曹辛苦之人不無怨望又有增添冒濫之弊臣遂堆垛錢銀在鎮江府丹陽館諭統兵官分列隊伍臣躬親就館逐一點名當面支散雖自來犒設例是折銀臣竊見軍士暴露之久當此隆暑班師道過鎮江不能久留若得銀子倉卒難賣見鏹無以應急使用臣輒將軍兵三貫以下犒設之人盡支見錢其使臣三貫以上者即以分數支折兼鎮江府前軍右軍太平州武鋒軍先係遣發應援海州被圍在城及張子蓋到城下其前項軍馬並皆出城同共追襲立功

今各同張子蓋大軍回歸雖五月二十四日旨揮未曾該
載臣輒行比附倍支訖欲望聖慈特賜指揮施行

盤洲文集卷第四十一

盤洲文集卷第四十一

盤洲文集卷第四十二

章奏二

招安海賊劄子三

今月二十七日據海船徒黨丁十二潘成陳十二賈到頭
有人殿前司遊奕寨効用王先等狀稱各有老小無所供
給兼為請受不平逃走鄉下作買賣為活為見官司收捉
緊急難以存居因而往海同百姓一行人船只借過往船
隻米糧供給口食即不曾劫盜官司物件先為見今年四
月內得蒙都督相公鈞旨差出朱清訓練張弼秀 泇海
招安作過之人仍賚本府黃旗一面上書江淮都督相公

招安在海作過人船并榜文沿海處貼掛是先于今年五月十八日在海洋行使舟船到地名洋山收取水漿喫食只見土豪陳立舍前貼掛榜文係是江淮都督相公鈞旨招安榜上稱說日前在海作過罪犯一切不問是先當時收榜上船說諭衆船首是江淮都督相公有榜招安船衆人伴即便依隨先等有船一十隻計八百餘人當日行使舟船到大七洋內仍見諸處寨下官船不計其數隨後趕捉先等船隻至晚日夜失踪各自分散不知衆船下落先令賣押人船二隻而闊一丈八尺計一百六十餘人船上所有軍器家事等投獻都督相公府充水戰軍前使用先船

內有老小單身難為看管乞差本府訓練官前來沿路管押人船到府恭候指揮臣以事非本職不敢輒受令徑詣都督府投狀其人云在明州時便有意招安但以路遠難通來時船主令抱狀投告總領恐前途艱阻身到行府不得乞總領所差人管押人船前來不願官軍同去臣憐其來歸却恐軍時貪功妄行擒捉遂受狀差人押兩名取船押一名往都督府方欲遣行之間忽云一人在路為水軍所擒一人以此潛匿不敢出臣恐其人猜畏舟復藏避遂請到水軍統制馮湛詢問事因馮湛云海道與賊船十隻相值獲其三隻追五隻至明州洋沉船而遁其兩隻不知

下落今所投即此兩舟是日馮湛管押捉到賊黨入城在
路逢見同伴一人遂行擒下馮湛既押所擒一人到臣官
舍所藏人亦隨後前來臣遂喚三人到馮湛之前馮湛欲
借船一隻管押兩名前去取舡其人云只乞總領差人自
行駕舡限在來日到岸馮湛見其言如此遂稱更不前去
臣所慮官軍利其財物別致生事或賊黨驚疑移舟它往
遂更不令馮湛管押又慮其人反覆再三以美言啗之云
汝輩多因商販折本無路得食不得已求生國家愛惜人
命本無殺意若人投降尚自各與官職多方存恤况汝等
是本朝人民都督府已有旗榜招安汝輩遠來自投定作

好官不須疑慮更生他心其人拜謝臣各已犒設即差本
所使臣任慶同兵級三名管押潘成陳十二前去取舡又
差人管押丁十二前去都督府臣候船到即親至江頭拘
收軍器以錢物酒肉等第犒勞令鎮江水軍差人防邏聽
候都督府指揮臣候舡到別得其奏外

第二劄子

今月二十九日酉時本所差去使臣承節即任慶取押到
招安人王先海舡二隻到岸船面闊一丈七尺在船首領
以下一百四十七人內五人元係軍身餘人並係溫台州
等百姓各是少壯雖王先稱願充水軍使喚其間多有驅

虜到人已申取都督府指揮或行揀放或候防秋事畢發遺臣逐一撫存犒設錢米酒肉差鎮江水軍防護不致生事其舡欲到鎮江府數十里外逢見都督府總轄福州海船使臣王城硬將旗榜令受本人招安拘欄占奪不肯放行臣親至江頭差撥水軍步將范淳西津巡檢劉憲文及弓兵等人六次催取方始發遣前來其船內有紙甲一百一十副槍刀弓弩旗鼓等軍器共一千五百六十八件並係王城強奪前去見行追取所有逐人單名器甲細數已開具申三省樞密院

第三劄子

臣准都督府劄子今將海船王先虜到人放令逐便臣今月三日躬親至江頭喚在船上人逐一審問數內孫元等二十七人各乞歸鄉再令王先審辨稱係是新近虜到之人即非元來徒伴並各供責文狀臣已支微錢米出給公掇放令逐便訖其見在人除首領三十三人外其餘稍工水手八十五人雖亦有係虜之人緣在賊中日久各自欣然願充水軍並皆強壯臣見行差人管押前去樞密使行府聽候指揮

會計軍儲劄子

臣契勘淮東分戍諸頭項軍兵及新到步軍司人馬除就

鎮江支請外月用錢十二萬七千餘貫米四萬石馬料千
千石臣取會到諸州見管數目筭計至九月十五日終泗
州有椿積米七萬石未係支遣之數海州有米四萬六百
石可給軍食一年有錢銀會子五萬貫料七百石可支一
月諸州共有米十四萬四千石可支至十二月終有錢銀
會子二十七萬貫可支至十一月中旬有馬料七萬七千
石可支一年並係臣本所節次改撥前去緣鎮江倉庫目
今儲積及諸州未到錢米並皆不多難以預椿淮上七月
之費今等待續到綱運及那減鎮江錢米趁未閉開起發
過江淮備歲前支費必無少闕所有來年軍用如遇閉開

則依去年例候江東綱到就撥往瓜洲却入新倉令淮南
漕臣宋旣措置 運或綱運不到則令陳漢用浙西舟船
將鎮江錢米運在瓜洲津發所有漕運必不致有誤軍期
但軍前非泛支用並是就支大軍錢物不可指約臨期旋
行措置科撥伏乞眷照

成兵請給驅磨阻滯劄子

近准御前劄子戒救幫勘成兵借請因驅磨欠剩阻滯事
臣已即時取到糧審院狀奏報訖臣尚懼聲說未至詳盡
仰勤聖慮臣契勘鎮江諸軍出戌自來不曾借請亦不分
擘券曆每過差出即却統司量遠近以人數移文總領所

預勘兩月或三月錢米每軍遂將攬類姓名造成券旁發到糧審院即時批放或出成日久則又接續再勘除月糧未折麥錢并新添錢米存面養贍老小外其預勘銀子及公掇係出軍之日就鎮江一頓支請轉變錢物置辦路費及分面贍家其二分見錢及口食米即就軍前逐旬支請至次月全軍過勘大曆本將即以出成人預勘過錢米自行按月回落及軍馬還歸逐月隨衆勘請若回歸在預勘月分之內則以熟旁改界就鎮江支請更無合併驅磨及回納不該欠剩等事與它處軍馬賦例不同或遇起發急速本運造券不及臣尚有先次借支應副者不敢使之怨

望失所伏望聖慈特賜眷照取進止

論招軍之弊劄子

隆興二年自淮東赴行在供職上殿

臣竊謂自古大有為之君志先定則事必成然而事貴乎成不貴乎速高宗伐鬼方三年而克之越王至于二十載然後刷會稽之耻方策所書明驗可考今日中興之事非無機會然而未遂恢復之功者豈以兵未強而財不豐耶臣世受國恩無以補報幸獲進望清光不識忌諱輒以本職而進狂瞽之言伏望陛下赦其罪而聽之臣伏見今之士卒老疾幾半今之錢穀枵竭可憂軍兵日得百金分其半以出成既不能給其家又不能餽其口邦用無餘難以

增益臣愚欲乞選從臣銜威命徧至諸軍汰其老疾計所
減之數量均百金之人庶其離心踴躍銳氣增倍或謂兵
貴虛教何自苦而示寡此徒自欺爾又諸軍之籍虛偽相
仍今既未能一洗舊弊則新弊不可不革軍效涇刺其未
已久掌兵者尚猶盜贏餘以為^田之宅之資苞苴之奉^况故蕩
然不加繩察乎效用又不刺于雖有臣寮申請而將帥不
復遵行姑以揚州帥司言之所謂效用六百十四人歲費
大農錢幾七萬緡米六千石但能扶方負劍助帥臣駟從
爾又鎮江大軍一日發營中子弟數百輩唱名于總領所
便入武勇伍中若今日稱甲明日稱乙何以辨之臣愚欲

乞先降詔旨赦其虛冒之罪命所遣官凡未刺者俱刺之
淮郡所招令都統司擇偏裨分掌每滿百人則行撥隸而
兼聽所招帥守節制仍乞在內則承旨司在外則總領官
季以新招之數申上有違新降三七分招軍旨揮必罰無
赦如是則兵可習而強財可省而豐此而不革則軍籍益
偽國費益屈無以善其後矣伏望聖斷謀之大臣盡革積
習之弊庶幾千慮一得少副陛下中興之志干犯宸嚴臣
不勝萬死

論東人未歸事宜劄子

臣嘗委曲詢訪東人未歸之故或亡命山澤為彼指名者

或仍年旱蝗不能救者或親故南來牽連誅誘而至者
其人蓋以無兵及衣甲不可嬰強虜之鋒故欲藉王師歸
雄其鄉報復剽掠伸其素志然扶老携幼流徙失業口累
之衆者衣食不能自給間有所携皆輕價以售之貧者則
三五為群收拾弃菜于巷陌之間官雖計口給粟一家不
踰五斗兵將又或折辱之恐無以固結其心近者鎮江有
鬻錢買舟欲逸而獲者臣慮其日夜而望歸迫于飢寒
計出無聊乘隙伺便反以為害欲望聖斷思患豫防參酌
漢五屬國晉宋僑置郡縣之宜專設官吏使之各有司牧
懷我梁土不致蜂蠆作于懷袖天下幸甚取進止

納供軍綱目劄子

臣篤鈇無庸誤被使令總軍賦于江淮之上值師旅增益
財用窘闕匱乏二年僅逃罪戾今蒙恩歸班凡供軍之事
不敢枝蔓吏文以瀆乙覽敢綱目為要畧一編納之閣門
伏望聖慈俯賜宣索取進止

轉對劄子

臣准御史臺牒輪當今年五月一日視朝轉對頃至奏聞
者右臣仰惟陛下踐阼以來務崇儉德始講郊丘之禮專
以誠意交神塞明車輿儀衛下至官吏賜予率從樽節臣
職在太常不容稍嘿切謂古今不相沿樂金石八音不入

按名臣奏議載
乾道改元洪公
為太常時上此劄
子

時俗之耳故通國無有習其藝者而聽之則倦且寐獨以古樂用之郊廟爾昔者等工鼓員不應經法者孔光何武蓋嘗奏罷于漢代前史是之今所用鼓吹警場諸工凡一千一百五十有九人有司已乞三分減一獨是隸習踵例尚存九十八日夫驅游手之人縱金擊石不當律令顧亦安能使鳳儀而獸舞而所用日給之辦為緡一萬三千三百有奇誠為虐費臣愚欲望聖斷只今隸習一月亦可以成教中節不致闕事殆督費之一端也謹錄奏聞伏候勅旨

禮部論王振服色劄子

臣契勘本部見行石宣義郎致仕王振乞引用覃恩改轉服色事朝廷送下指揮據本人元係靖康元年于客人處買到代州納白米室名將仕郎補帖經開封府書填續因男脩武郎王洙遇恩累封至宣義郎昨未吏部勘當檢准紹興十三年旨揮納錢及六千貫之人許行注授無人願就殘零闕據本人齎到紹興七年行宮吏部告示照得係納錢及六千貫之人依前項旨揮合行出官某切詳所繳行宮告示係本人自陳稱有朱鈔見得納米價錢當時吏部為無元書填官司申狀及公據今依去失法名知識官二員委保方許參選本人一向不曾召保到部若使可以

注授殘零窠闕出官必無緣陞改至承務郎以上可以該
得服色恩例所乞難以施行取進止

盤洲文集卷第四十二

盤洲文集卷第四十三

章奏三

同周操殿院乞對劄子

臣等今月二十一日蒙宣赴便殿面奉聖訓令討論環衛
官制臣等今將祖宗典故及唐初十六衛參考條具粗備
臣等二十九日 輪當學士院

聖慈特賜宣召許令面奏開陳因草事宜伏候勅旨

討論環衛官劄子

臣等面奉玉音討論環衛事今將國史會要及事制恭酌
畫一在前竊詳本朝踵前代設環衛官

當是及降國
之君臣

太祖

太宗朝常以處將帥及降之君臣自後則多以皇族為之故三朝國史云為官存而事廢在熙寧中曾令邊將充攝在曾令內職兼攝只是充補班列而已嘗聞靖康初以外戚正任官俸祿太優令換環衛總以俸薄為言遂復仍舊雖兵火之後旨揮不存而朱孝莊制詞可以考驗仰惟陛下聖慮宏遠修飭戎備欲擇赴之臣置在左右叩其智謀觀其技藝以備將帥之選甚盛舉也臣等以謂國朝自有設官之名不必遠取唐制

太祖

太宗故事乃可法則今若徑行換授則恐有減俸之患欲乞只令如閭職兼帶若節度使至刺史則帶上將軍橫行遠郡則帶大將軍正使則帶將軍副使則帶中郎將又以下則帶左右郎將各分等錢如得允當所有官府吏屬請給人從等事乞令吏戶兵部同共相度以備採擇

當是上將軍
各一人

一唐制十六衛 將軍各一人從二品大將軍各一人
正三品將軍各二人從三品掌宮禁宿衛之事長史
各一人從六品上掌判諸曹廩祿軍團等事親勳羽
三衛凡五府中郎將各一人左右郎將各一人校尉

各五人每校有旅帥二人每旅有隊正二十人武德
正觀世重資蔭自二品至五品子孫分補三衛又有
諸曹參軍及司階中候司戈執戟謂之四色官

一檢照國朝官制有右左金吾衛左右衛左右驍衛左
右武衛左右屯衛左右領軍衛左右監門衛左右千
牛衛凡十六衛各有上將軍從三品大將軍正四品
將軍從四品中郎將郎將長史等官按三朝國史云
官存而事廢蕃酋官舊有歸德懷化大將軍將軍郎
將司候司階司戈後又增保定清遠奉義歸義廣化
之名將軍以下又有武寧安化奉華保順之名又有

寧遠安遠保安保寧大將軍懷德奉化將軍懷忠武
安將軍保忠司候保和保信司階順化安德司戈皆
以蠻夷朝貢受官者充

俸祿之制上將軍六十貫

皇子則二百貫

金吾大將軍三十

五貫諸衛大將軍二十五貫

皇親則六十貫

將軍二十貫

則三十貫中郎將十三貫

一 中書備對該載 諸衛將軍 武者換諸司副使

紹興 該載環衛官換贈 諸衛上將軍換節度使

至遙郡團練使諸衛大將軍換遙郡刺史至武義
諸衛將軍換武翼大夫至武義郎

一建隆元年以登州團練使李萬超為右武衛大將軍
前均州刺史潘文通為右驍衛將軍
州刺史韓召為左領軍衛將軍其後石守信張凝石
曦焦繼勳劉重進仇超白金紹程美王暉陳守信等
皆為諸衛將軍除授者不絕亦有除環衛官致仕及
外任者事其實錄

一太平云之當照
前低一字

一太平興國二年四月安遠軍節度使向拱換衛上將軍
制詞畧曰王者念宗社之重思將之賢內外迭居以
均勞逸安遠軍節度使向等事我先帝時惟寶臣入
則參帷幄之謀出奉節旄之寄粵予冲人則參帷幄

藩字上下間疑
脫一字

肇承丕業豈敢以藩之任重煩舊德也式罷藩宣之
寄俾昇環列榮拱永德並可左衛上將軍美可左驍
衛上軍廷遜可右驍衛上將軍先時張永德帥鄧美
帥滄劉廷遜帥 至是皆罷節制歸環衛後初廷訓
章 周勳蘇誨等除授亦不絕但

太祖朝極少事其實錄

一天禧元年御史臺言常朝 臣止一二人或請告則
絕班欲乞增補詔以 完使慕容德琛為右監門衛
大將軍西京 藏庫使孫正辭為右領軍衛將軍崇
儀使劉守節為右屯衛將軍染院使韓景祐為右監

門衛將軍供備庫使宋可言郭仁浦為右千牛衛將軍

一嘉祐二年以未有差遣諸司使攝大將軍月支食錢七貫副使崇班攝將軍月支五貫候有差遣別差不得過二十人

一熙寧三年詔今後南班有闕差陝西河東替回曾有戰功路分都監至知城堡寨崇班已上充攝如不足即于見在樞密院知州軍路分都監已上得替未有差遣人內差攝事並具會要

一中書備對該載元豐二年十六衛大將軍二百九十

四員將軍一百六十二員並係宗室

一紹興十一年右金吾衛大將軍朱孝莊換觀察使制詞曰仰惟淵聖皇帝即位之初監于先王成憲進讀之臣有言今之節度使古之諸侯也近時庸人孺子或以恩倖得之于是凡外戚之居正任者易畀環列侍衛之名雖號耆能率遵明訓朕乘興運事異前朝義有當然曷非軌典右金吾衛大將軍提舉洪州王隆觀朱孝莊乃欽成兄弟之子請康中宮之屬謙恭毋怠忠信自持通練老成見推四姓恩厚于爾匪曰子私爾縱毋言朕志已定其復廉車之秩以為戚里

愚按欽宗之后朱氏
故孝莊為戚呢

之光可汝州觀察使

有撰述文字乞奏對劄子

檢會本院見行一司條令內一項翰林承旨學士職當撰述代于王言事體繁重合有上稟睿訓文字若循習舊例俟閣門引班顯見稽緩今後仍許先次批班上殿今來臣係太常少卿兼權直學士院有撰述文字合行奏稟欲于今月四日上殿敷奏緣臣係卿監官難以徑牒閣門伏望聖慈特降睿旨令閣門依本院故事引班上殿奏稟伏候進止

乞改定樂章劄子

臣擬太常寺申乞修潤將來郊祀大禮樂章各已修撰進呈數內

徽宗皇帝酌獻一曲係紹興二十八年

光堯壽聖太上皇帝親製其間如烈考合改作烈祖及其它詞句亦有當改定去處依故事係請御製改定今錄連在前乞賜聖裁修改降付學士院施行取進止

乞進胙德壽宮劄子

臣竊考禮經古者大夫攝祭君不親行則當歸胙而諸臣祭其家廟及都家祀其山川亦皆致胙于君謂之致福載在周官則都宗人家宗人掌其事祭僕展而受之膳夫受

而膳之後世禮文多有廢者仰惟陛下以聖繼聖盛德重
華慶超古昔初講郊禋之禮謂宜進胙慈闈並受帝祉臣
妄進瞽言欲望特賜聖裁如或可采則乞旨揮有司草具
儀注進呈取進止

論郊回用樂劄子

臣勘會今歲郊祀大禮依逐次典故用儀仗鼓吹已赴警
場振作所有禮畢車駕回鑾導引振作亦合用軍樂端門
肆赦所設宮架係合用雅樂並與燕樂不同難以一例不
用伏乞聖裁特賜處分取進止

乞減樂員劄子

臣伏覩紹興二十八年郊祀用儀仗一萬五千三十人鼓
吹警場一千一百五十九人八音二舞樂工四百五十九
人近降旨揮儀仗減半臣前曾申請鼓吹警場人已三分
減一舊例樂工及鼓吹警場人隸習九十八日臣又曾具
奏減作一月所有樂工凡二百六十人太常有籍三十六
人有月給錢糧所關一百六十六人旋行招補至肆習之
日日支食錢四百文尚有招未足人數緣竄名籍中可以
規免臨安府行鋪名役不無計囑之弊臣再行研考除登
歌壇上樂四十八人二舞九十人不可減外壇下宮架二
百七人今欲減省六十七人凡琴二十人十人可減瑟十

二人六人可減笙二十人四人可減簫十人六人可減笛
二十人八人可減篪十二人六人可減埙十人四人可減
歌二十人四人可減鐘磬四十八架十六架可減分詣九
宮貴神太社太稷給祠一百十四人四十五人可減既減
員得以省費而于事神之禮初無所闕更乞聖裁取進止
乞刺壯健乞旬人劄子

臣伏見臨安府街市間乞旬人頗有壯健者恐是盜徒賊
黨託此為名一伺察人家之貧富門巷之曲折今輦轂之
下時有剽劫之患不可不曲為之防臣愚欲乞眷斷行下
臨安府選委官屬因賑濟之時鳩集乞旬之人盡皆揀擇

如非老弱疾病其人可用即與充刺廂軍既免其啼飢號
寒之苦若使有穿窬之志亦可使滅心鑠謀矣輕瀆宸嚴
臣不勝戰懼取進止

乞措置海道劄子 十一月十二日

臣伏見淮上斥堠不明將帥無申發文字虜騎渡淮經涉
七日朝廷方知今已據楚州若分兵取它道潛攻通泰朝
廷亦無由得聞所慮自彼過渡便近平江兼恐海道不妨
賊舡往來今平江別無重兵守臣又已被召李寶水軍稀
少緩急難以倚賴伏乞特由聖慮過為隄防干犯宸嚴臣
不勝皇懼取進止

乞降親征詔書劄子十一月十三日

臣十一日面對曾具奏陳乞降親征詔書激勵士卒至今未奉處分所慮敵人已入淮南兩軍相持以日為歲若非戰勝無以使其草心所有詔草輒敢冒瀆天聽若或施行乞許臣錄呈三省別行進入其間叙述聖意未盡去處更乞處分取進止

進視師詔劄子

臣伏奉御筆改定視師詔臣再有愚見增減數字各已貼說欲候進入盡降竊慮稽緩輒已擅行書寫大字詔本若蒙聖意賜允即乞徑付三省樞密院如是未當即乞再賜

御筆批抹付下臣不勝死罪

請祠劄子中書舍人

臣不避誅戮冒犯天威伏念臣與湯思退舊不相識思退以臣叨中詞科在其前嘗遭秦檜無辜廢錮連蹇在外二十餘年所以召臣入朝供職臣既猥居卿列攝事翰苑疊因宣召誤受眷知遂蒙親擢寘之從班臣方念康捐無以圖報乃聞談者指為思退之黨臣既備教禁近不能盡忠奉公陷于朋比烏可苟逃譴責欲望聖慈特賜恩造容臣以祠祿省愆于山林之下仰瀆聖聽臣不勝戰汗之至取進止

辭免兼直院劄子 閏十一月三日

臣今月二日准尚書省劄子奉聖旨洪某兼直學士院日下供職臣聞命震驚固知所措伏念臣攝事三時盡窮鼠技仰不能宣布聖意鼓動四方而今之世俗好惡各有偏私毀譽初無公道臣之代言又不能俯合衆論常致訛媿兼內外兩制文書填委日不暇給臣之宜去久矣特以獨員無所辭避今者幸除翰長私以自慶臣已即時解印罷權申知三省豈圖恩渥反有兼直之命臣若強顏貪冒則是宜去而留因退而進汨喪廉耻無以自恕欲望聖慈憐其才盡察其由衷曲賜矜允使免訛議干犯天威臣罪當

萬死取進止

第二劄子 閏十一月六日

臣今月

辭免兼直學士院恩命准尚書省劄子

獵之學文辭蕪類叨攝視草積有

愆 既

臺評

之疏非聖造保全特賜庇

護則臣雖竄黜未足塞責已嘗瀝懇求去仰蒙天語曲留臣以軍事方作而掌制獨員不敢堅請談者又謂臣來自淮東奏陳張浚安費致浚因此罷相黨枯骨者視臣如仇敵故投醜之章連瀆淵聽幸今翰苑已有長官書詔亦不壅併尚令厠迹實為冗贅兼臣屢有封繳浸招怨怒若不

知退必致顛危欲望聖慈施天地之大思全小臣之終始
昇以使之推行德澤少効捐待別有使令臣死
避冒犯威顏臣不勝戰汗之至取進止

盤洲文集卷第四十三

盤洲文集卷第四十四

章奏四

乞罷中書舍人劄子

臣能薄材下靡有才長過叨誤恩備數兩禁常懼無以圖
報天地之德惟知奉公守職不敢附下罔上以邀譽避謗
近因繳駁莫汲差除與朝廷之意背馳臣有語言妄發之
罪宜在譴何之域即具劄子乞賜黜責緣未得班次已實
封投進未蒙施行伏望聖慈憐臣孤立察臣無用速賜罷
遣庶使么微之蹤不致異日顛沛冒犯天威臣不勝戰懼
之至取進止

論邊事劄子十二月十四日

臣待罪從班獲迓清問之燕頓聞亦預聞

陛下英武之畧得以仰窺聖志之萬一然人材兵力與夫帑庾之積俱不能上副宸衷衷致使陛下委曲以結好和臣又以見陛下利方為圓抑剛而柔者凡以仰奉慈宮俯安黎庶為宗社計而然也臣區區愛君之心惟願陛下垂意內治常若臨敵日加一日則善後之策持久可成和戰之事今姑置而未論然所以誤邊計而弱國勢者豈不究其所自乎既備禦略定若不推原誤國之人奮發剛斷大明誅賞則臣下無以懲戒國勢無以振起臣敢昧死畧言之

豈字下當有可字

竊觀敵人犯淮終成和議如期歟兵初無過外邀求有以知其本無侵犯猖獗之意倘泗州不先撤戍彼必不能近淮既近矣而邊城守將不望風遁逃則彼必不敢直渡既渡矣清口之戰儻山陽大將出師以掄急則魏勝不死若又有功則是淝水之役也敵既留連淮上兩月惟六合有堅守之名其它例循三舍之避略無尺寸之功倘能出奇小勝亦足以挫其鋒而議和有氣此之不能及王抃已而乃有歸詞欺君者是數等之人欲望睿明間出奎畫啟其罪而治之則天下欣快矣又兩淮逃徙之民散在江浙飢凍瀕死雖聞故鄉可歸安能便有生業臣愚欲望陛下特

指內帑分遣中都官往緣江州縣于其欲渡之際計口賑之以助其歸則實惠沾洽人、知陛下愛之如赤子則靡欣鼓舞變愁嘆而為謳吟矣冒犯天威臣不勝戰懼取進止

改定德音貼黃

臣所撰進德音其中云正皇帝之尊稱為叔姪之敵國今日付出三省所進詔本改尊稱作兼稱敵國作與國雖云皇帝者兼三皇五帝之稱若摘取兩字則文意不顯亦是語病又與國雖是黨與之國亦有謂之所與之國者臣輒併將所換二字陰去却意全而句健或未允當更乞聖裁

論國書劄子

六月二日即日御筆依

臣准尚書省劄子奉聖旨令學士院撰賀大金上尊號國書臣聞之魏紀嘗見送伴使去相繼又須有報謝使來今既遣賀使臣欲于國書之末帶入一句云且謝使華之辱伏乞聖慈特賜處分

辭兼中書舍人劄子

即日御筆依

伏念臣材智學問無分可採代言之久常懼不稱任使之意今既叨居翰苑用之已踰其分尚兼西掖實妨進賢之路欲望聖慈特降俞旨俾免兼職干犯宸嚴臣無任戰汗之至

辭免簽書樞密院劄子六月九日

臣伏蒙聖恩除臣端明殿學士簽書樞密院事特降中使宣押臣赴院^治右事者臣聞命震驚固知所措竊以贊帷幄之畫列股肱之臣上則三階以之齊光下則輿人之所瞻景非有超卓兼資之美者莫宜居之如臣者學不足以達國體識不足以遠猷再入帝城獨切恩遇前後親擢曾無先容鏤骨捫心秋毫未報外日入奉清光伏蒙玉音使補政路之闕臣嘗恐奏以臣之繇力薄材倘司翰墨之職尚猶可以勉強至于兩地重任必當選用老成有才望之人為之遜避再三私有回天之喜不謂信宿之後渙命竟

出跼踏戰兢固知自恕之計敢犯咫尺威輒披誠悃伏望皇帝陛下察其無用追寢誤恩別求時髦以允公論臣無任祈天俟命激切屏營之至取進止

辭免賜衣帶劄子

臣今月十九日正謝伏蒙聖慈例賜臣對衣金帶魚袋鞍馬緣臣于今月初九日已蒙聖慈特降中使賜臣步頭金帶魚袋牙簡鞍馬今未倘或疊冒寵私在臣愚分不遑安處伏望睿慈將例賜金帶魚袋等特行寢罷庶遵彝典不勝幸願取進止

乞贈高祖劄子

臣輒有私悃仰塵天聽伏念臣上世以農桑為業至高祖
臣某始奮金籬之志有子蚤世獨携二孫遠徙州城擇賢
師修儒業故伯祖臣某以進士起家繇南床而陟瑣闥至
先父臣某實傳遺訓遂入翰林逮臣之不肖兄弟獲承先
蔭浸叨顯仕蓋相繼三世矣今追崇之典再及曾祖至于
東宮三師獨念高祖未霑一命無以為九泉之寵臣該遇
覃恩并應副軍須皆有轉一官公掇不及收使欲望聖慈
許將前件恩賞回授作高祖父母贈典庶得少伸報遠之
情干犯宸嚴臣不勝戰汗之至取進止

貼黃 臣檢照會要所載李昉贈所生父母王曾陸

軫贈伯叔父邢昺贈兄張士遜贈表兄皆非常典係
是一時特恩伏乞聖裁

乞寢贈典劄子

臣不避斧鉞之誅存瀆天聽臣比以回授高祖贈典冒昧
陳乞仰蒙眷慈曲從所請竊聞從省留黃不行臣以螻蟻
之微未有一毫報國而尊祖私情遂以妄發為清議不許
連日戰悸魂神去幹雖亡者不能霑被榮章而已蒙天渥
許之褒贈則潛德亦以少顯九原有知豈不圖結草之報
所有已降旨揮欲望聖慈特賜追寢干犯天威臣死有餘
罪取進止

幹字可疑

乞罷第一劄子

臣比有狂妄之請為給舍所論即具劄子乞行追寢仰蒙
寬恩未賜誅責不避再三之瀆荐有愚衷徹之淵聽伏念
臣始以高祖篤教子孫變犁鋌而為耨耨先臣存日每以
恩不可及為言臣幸備數近列有未轉兩官若回授與子
弟陞轉則內媿于心下媿于泉壤故推述先志求為亡者
之榮雖追贈高祖未有前例而國朝會要所載有贈其伯
叔贈其兄贈其表兄者皆在常法之外故臣援此典故謀
之朝廷始敢仰塵丹扆之前不料竟以妄發遂遭封繳臣
身綴政地私請犯分雖

陛下赦臣而臣若安然在位則人益以臣為罪矣臣踏踏
戰栗家居待謹欲望聖慈俾臣罷免庶幾不致復經清議
冒犯天威臣不勝皇惧之至

第二劄子

臣已納劄子乞賜罷免屏息俟命未蒙施行伏念臣材無
可用

陛下過聽擢之機宥未有一言一事可以利國庇民而私
心安發遂奸物議連日恐懼無地自處蓋繳章便同簡劾
事無大小等是為人詆訶豈有身在廟堂之間瑕疵已遭
嗤點而猶欲貪榮固位臣雖自恕亦不可得况臣近居封

駭之職蓋嘗以此責人以今視昔何施顏面更玷朝列方
陛下大明黜陟申儆在位有臣如此顧亦何所用之伏望
睿慈早賜處分許臣解印綬而去則臣未填溝壑之前皆
報恩之日月也干忝威顏臣無任戰汗之至

辭免叅知政事劄子

臣伏蒙聖恩除臣叅知政事特降中使宣押臣赴都堂治
事者臣聞命震驚固知所措竊以人君二以三執政圖回
天下之務非得當世之通儒則安能仰副眷倚之隆而任
憂責之重如臣者扶章句綴緝之學僅能不曠翰墨之職
而已雖懷尊王興邦之心而材識不逮觸事面墻徒抱微

勛或是助字

誠初無一得自叨機宥常恐竊位誤國夙夜懷慄未有上
印之計豈期渙命俾叅大政是猶責跛蹙之 日 里則
折骨絕筋勛其亡可立而待伏望睿慈曲賜哀憐改畀真賢
不致虛授臣無任

論湖北軍須劄子

臣伏見諸路總領所軍儲並係戶部指約科撥而所得州
縣之數尚有拘催不足者向來各有椿積錢物可以那融
緣數年用兵侵耗已盡今或有以急闕為言者戶部亦緣
財用遺乏無以應副只是行下令將椿積錢物那融支遣
謂如湖北路去朝廷甚遠今王炎改除已數月代者猶未

定湖廣盜賊方便道路必有阻隔故張宗元以將毋為辭
懼於官臣之謂今日外患雖少定正恐封疆之內有勤宵
旰之憂者要當止于未萌則斯民無塗炭之苦諸處總領
所少有急關支遣失時一夫叫呼噬臍何及臣愚欲乞聖
斷行下令湖北淮東西總領所開具日今椿積并見管實
數及每月合用數日上朝廷及戶部覈實如委有不足去
處即將實有窠名錢物添撥倘使常有一兩月儲積則拘
催按月未至者可以通那支遣仍乞自今以往月具收支
所管的實數日申省部稽考無為虛文以圖善後所有王
炎及臣男規劄子四紙同此進伏望睿覽留中免賜降出

取進止

進太子冊文劄子

臣奉勅撰皇太子冊文臣學問荒蕪詞意拙澁國有鉅典
無以鋪叙綴緝僅能成文干犯宸嚴不勝戰懼謹繕寫進
呈伏乞睿覽更賜處分

納密院窠關劄子

臣等伏見吏部員多闕少守選者留滯日月緣右列小官
皆非臣等所識不能知其為人密院雖有窠關臣等不敢
容易差注若俟其干乞一為之取索考覈則瑣碎失體
若徒留窠關吝而不與則小官仰祿無以進身臣等相度

欲將密院知州軍總管鈐轄路分都監將副等闕依舊存
留外有諸路師帥司將所領指使川廣湖南北城寨主兵官
共一百三闕乞發下吏部依格差注如將來密院或欲于
其中候闕亦許通用庶幾少塞干求之門而開公平之路
取進止

辭免兼同知樞密院劄子

臣准尚書省劄子奉聖旨汪澈可除知樞密院事洪某兼
同知樞密院事伏念臣材器智慮蔑有可稱偶承人之躡
至近輔當陛下勵精積庶政循俯名責實之秋臣鞭策駑鈍無
以自強顧望輕不能服衆力小不可任大戰、慄、常有

曠職之虞特以坐席未煖不敢乞身幸今邊鄙寧少休
甲兵之間樞臣已有兩員不必更使素餐其間以重誤國
之罪伏望聖慈特寢兼職庶幾可以揀過免蹈大譴臣無
任祈天俟命激切屏營之至取進止

辭免撰太子冊文賜銀絹劄子

臣今月十四日承中使李綽公文奉聖旨以臣撰皇太子
冊文賜臣銀一百兩絹一百匹臣偶列近班際遭典緡興初
無文采可備使令塵玷寶冊已積戰懼遂叨錫予安敢虛
受况當聖政節省之際而倍數政途所宜體國竊伏以思
尤難下拜伏望聖慈許令辭免庶使小臣可逃貪鄙之刺

干犯宸嚴臣無任皇懼俟命之至

辭免太子冊禮支賜銀絹四百八十匹兩第一劄
子

臣等恭遇陛下諏日之吉發冊建儲幸叨近輔獲相盛儀
伏蒙聖恩例有支賜竊自惟念臣等不材備位已負素餐
方國用不足所當裁損豈敢貪饗錫賚獲戾清議所有已
降旨揮內臣等支賜銀絹欲望聖慈特許辭免干犯宸嚴
臣等不勝戰懼俟命之至

第二劄子

臣等伏蒙聖恩以皇太子受冊禮成例賜銀絹即具奏劄

乞行寢免伏奉御筆已經裁減不須多辭臣等近以差充
禮儀使及書撰冊文嘗需銀絹一百之賜辭免不從已遂
下拜今又以宿衛行事之微勞復叨賜予實惟稠疊雖臣
等材品駕下不足以表儀在列而伐檀貪鄙之刺不可不
畏伏望聖慈特從懇請使免譏議仰冒天威臣等無任戰
汗之至

辭免提舉玉牒劄子

臣伏蒙聖恩差臣兼提舉編修玉牒臣聞命震悸罔知所
措竊以國家受天明命聖、接武祖功宗德寫之琬琰所
以紀重規疊矩之懿以昭示萬世為不利之書非台衮儒

先未易典頌顧如臣者識不足以固羅異聞辭不足以揚
厲偉績尸此筆削人其謂何伏望聖慈俯諒愚衷時寢成
命干犯天威臣無任戰懼隕越之至

盤洲文集卷第四十四

盤洲文集卷第四十五

章奏五

乞出第一劄子 十一月十六日

臣聞棟楹棗稅材之大小不齊者若梓人以棟為棗以稅
為楹則覆壓之患當在朝夕聖主用材顧豈梓人之比然
此言雖小可以喻大臣最爾疲駑自幼以綴文為業志在
塵竊一第而已不意留落之後誤叨眷知擢在華近若
使之掌制代言自視猶可勉強今承人之乏遂超通列而
使之謀王体斷國論天下之人皆謂不勝其任免勉數月
曾無涓埃之補直情徑行浸積仇怨內之既不能識拔賢

賢材亦可用不
必改作賢材

材使之糝、列布以助成勵精之治外之又能不消彌姦
究致令民弗奠居而無鉏治之策揆之漢法當在石慶切
責之科倘或強顏患失則設國之罪誅之無益伏望陛下
推天地之大恩憐斗筭之無用曲賜保全許臣上印綬而
去庶幾不妨賢者之路干冒威顏臣無任奉御筆降詔不
允不得再有陳請

第二劄子十七日

臣昨早具劄子乞解機政跼踖踰夕未聞天旨不避斧鉞
再輸情悃伏念臣一介疵賤初無致君澤民之學仕于州
縣未鹽靡密畏簡書理獄訟尚猶少有所長今驟居高位

掌樞獨久而政路贊襄上無台揆軍國重事豈非當材試
之地小智曲見乖繆浸彰加以心力凋耗事至輒忘若視
蔭室餐不能知難而退則罪愆日積將不可赦伏望睿慈
察其不逮賜之歸田則未淪溝壑之前皆銜恩之日月游
瀆宸嚴臣無任戰灼俟命之至取進止奉御筆再
降詔不允

第三劄子十八日面進

臣比殫誠悃冒犯咫尺顏偃拜恩私再降溫詔銜感之深淪
胥心顛伏念臣踈遠冥頑孤立無援偶因清燕浸簡宸衷
擢之禁途副至政地奏啟之際每蒙嘉獎臣受陛下之知
不為不厚嘗謂粉身糜骨不足圖報夫犬馬尚能恋主領

臣豈應輕為去就以忘陛下隆天厚地之恩但以臣材局
褊淺智識蒙昧既無嘉猷遠畫可以振起治功而不量其
力欲抑僥倖以奉陛下正紀綱守法度之訓所慮積日累
月寢招衆惡進無所補虛負使令此臣所以日夜恐懼不
安其位傾漉肝鬲冀回天聆伏望聖慈曲賜矜允三瀆嚴
威死有餘罪臣無任戰灼悻汗之至

辭免除右僕射兼樞密使劄子

臣伏蒙聖恩除臣尚書右僕射同中書門下平章事兼樞
密使特降中使宣押臣赴都堂治事臣聞命震驚固知所
措竊以人主居崇高之位一日萬機獨以論相為職蓋用

人賢否關國重輕繫民休戚非百執事之比必有負王佐
之材隆巖石之望者斯能副眷注之意古之人居畎畝之
中樂堯舜之道其尊主庇民之業皆素定于胸次故達而
在上發其緼蓄可以使是君為堯舜之君使是民為堯舜
之民功烈著于當世名譽垂於無窮若是則居其位食其
祿仰無所愧俯無所作如臣者翰墨腐儒斷無它技智效
一官猶惧不及乃使之代

既傳群聆已駭伏望

其覆餗可日月異制命

陛下曲回淵鑒洞察赤情圖任人英勿嫌反汗廢度幾微臣
得逃非據之大譴不至重為天下後世之所詆訾干犯天

威臣無任

乞薦舉監司郡守劄子 十二月十六日

臣聞內治之急在乎官得其人今州縣之間倘監司郡守皆賢則職事修舉下無蠹弊屬吏之能否如燭形無所逃隱自數年以來非不開薦舉之路而風俗未變換私勝公干請奔執曲為題目刻章所譽非其親舊則是蒙恩託契之家或甲乙宛轉更相酬報名為公薦多是私心故薦曠雖交于公車有司亦視為文具置籍中書未嘗舉行臣以駕下偶補台輔之闕見識不明聞賤不廣遠近人材臣不能知其一二若賢者退而家食仕者不稱其職臣則有罪

欲乞令侍從臺諫兩省官舉風力堪為監司吏能堪為郡守者各一人三衙知閣舉材武可守邊者一人舉而不寔甘坐其罪俟舉曠既集臣與同列采其名實相稱者一除授或未有窠闕則簿錄以待有闕日先除各于除書內稱列所舉姓名它時若有治行著聞則乞推進賢之賞若所舉之人或進對不稱旨或為臺諫論列或為監司案劾或百姓訟訴驗治有狀隨其罪之大小具舉者姓名取旨必罰若辜執徇私隱而不奏者亦乞懲戒庶幾實材輩出振起治功天下幸甚取進止

以霖雨乞罷政第一劄子 乾道二年三月

僕之下脫一字

臣伏見季春之月天多陰晦而盛寒如大雨仍降蚕麥秧苗俱有損壞仰軫聖慮致于玉食頻去葷味燮理如此罪將安歸而又僕乞求羞對輿阜倘或患失不去必致人言伏望睿慈特賜譴絀庶幾可以調玉燭而格豐年干冒宸旒臣無任御筆霖雨稍多未至有害于蚕麥降詔不允不得更有陳請

第二劄子

臣以斗筭之資竊台輔之位夙夜危懼莫知逃責之計涉春以來常陰為沴禱空宮以迎梵像放房緡而蠲門稅一月至再矣燮調無狀靡所措躬上之則使太官屏常珍而進蔬饌下之則使農夫紅女懷耕織之憂臣之罪多矣隆

息天覆不即策免臣上章自劾拱聆威命而宸 矜容

降詔之訓異于常典銜感隕越

施行漢法罷遣歸田圖任異材俾熙帝載

觸天聆臣無任戰 待罪之至

再乞罷任劄子

臣材劣能下無足算錄誤叨眷知超居宰揆力小任重自料必致蕪濟比以淫雨為害抗章請罪仰蒙聖恩拊以溫詔今早再瀝誠懇又勤天獎使之安職公議不貸遂玷霜簡仰負陛下使令之意雖九死無以塞責伏望睿慈令臣解罷機政以聆譴罰之命干犯咫尺威臣不勝震灼之至

辭免觀文殿學士第一劄子

臣伏聞已降制命特授臣觀文殿學士提舉江州太平興國宮任便居住臣驚傳恩旨感涕橫臆伏念臣不材無取誤蒙簡拔輔政旬月曾茲補報孤負任使浸積過愆竄流遐遠乃法之宜豈期優恩曲垂軫卹使之奉祠還鄉已為大幸書殿隆名所以寵老臣碩德之去豈凡庸罪戾之人可以叨此非常之渥若或冒處益重疾顛伏望聖慈特賜寢庶使危蹤免抵大譴干犯宸嚴臣無任

第二劄子

臣伏准閣門

云云臣仰窺制

命感涕交流伏念臣切位台輔秋毫無補小器盈滿福過災生罪愆既彰難清議倘非聖明憐惻則尸諸兩觀未足塞責臣自聞寵渥已滙懇辭踟躕至今未蒙追寢一書殿美名優祿皆非臣所當得若或貪居冒受則大譴大訶益重顛覆伏望聖慈特賜處分所有告命臣未敢祇受

辭免知紹興府第一劄子

今月二日伏准通到尚書省劄子七月十八日奉聖旨除臣知紹興府臣恐聞寵命不戰勝兢伏念臣材力繇薄智術乖疎比自入朝獨叨眷遇起居宰揆燮理無功百謫既

盈罪當竄殛聖恩寬大委曲保全奉祠還鄉絕踰兩月敢
謂軫記不忘即加選用捫襟感泣何以論報念稽山宏拱
行闕寔惟雄藩豈伊罪戾之餘可堪師帥之任伏望聖慈
改授真材用協群議免使孤蹤重罹顛沛干冒宸嚴臣無
任隕越俟命之至

第二劄子

臣近具奏劄辭免知紹興府恩命本月二十二日准都進
奏院遞到詔書

伏蒙聖慈降詔不允者臣伏讀聖訓
感涕交流伏念臣疎事
資嘗試無狀狼狽去國方此省
愆宸眷
簡記亟加收拭付以大藩仰惟天地之

隆恩即當聞命而引道載念陪京之重夙稱謀帥之難而
臣聞望素輕謹玆來久深虞曠敗復累生成輒瀝愚衷游
干洪造伏望眷慈憐其無用許令依舊奉祠庶休田里之
居獲享治安之樂所有恩命臣未敢祇受干犯天威臣無
任感戴戰懼俟命之至

除紹興第一手劄子八月四日

臣入朝二年居輔弼之官十閱月以駕鈍無用之資識不
足以燭微才不可以任重獨蒙陛下眷知異等寬其不逮
之罪溫顏殊禮常賜稱獎臣殫智竭誠亦欲盡死以報奈
何福過災生招致人言上惑聰聆聖恩寬大不忍竄逐使

後有俸稍之語
則廩稍或二可
用不必改作廩
祿

得以秘殿真祠優游里閭臣方懼叨縻廩稍無所云補豈
意簡記之隆付以近鎮驚惧感泣不可具言已瀝忱誠懇
祈寢免臣犬馬恋軒之情雖食息不敢忘隆天厚地之恩
但以得罪去國不敢以奏牘輒至冕旒之前今者既蒙眷
慈再加收用故敢畧披梗概臣蝼蟻賤微銜戢思渥何以
圖報干犯宸嚴臣無任戰惧之至

第二劄子

月二十二日

臣近貢免贖扣九閹伏蒙天慈賜之溫詔臣素叨眷遇
之異仰惟選用便當即日上道特以會稽近藩衆所
指目而臣罪譴之餘去國未幾若或貪榮疾趨必致重遭

訕詆輒敢稽留詔命復布悃誠已別具奏劄乞賜施行伏
望聖慈察臣愚衷赦其再瀆之罪臣干犯宸嚴不勝戰惧
之至

第三手劄子

臣比辱誤恩俾守輔郡存殫誠悃弗獲俞旨不敢重干威
矜已祇拜告命取信州路自衢入婺迤遷到越謹具奏稟
伏乞眷照

第四手劄子

臣今月二十一日准省劄奉聖旨令臣疾速前法之任臣
自叨除命以言者方在要路實有所畏而具免贖塵素淵

聆仰蒙詔旨不允臣方敢治行偶臣以感冷卧疾稽由數
日遂至再動聖訓臣已即日就道伏望睿慈特賜原赦

到任手劄子

臣叨拜恩除去 城不遠天日在望犬馬結戀之心非不
願一瞻清 少殫懇悃蓋以人之多言必有譏議故不敢
陳之過 今已到越視事唯知鞭策駕鈍庶幾少副任使
之意瞻望闕庭臣無任感恩激切之至

